

一東

二百八十八

纂修官待講鄭欽出第六百五  
元一統志十 一五二六卷十五卷六十一卷七十二卷一

共書一種計十

條

乾隆三十八年十一月十二日發寫

膳

纂修官待講鄭欽出第六百五  
元一統志一 一五二

共書一種計一

條

乾隆三十八年十一月十二日發寫

膳錄

上野氏

卷內

## 永樂大典卷之六百六十五 一東

雄

南雄府二

山川

南雄路志嶺外衆山形勢脉絡皆廢庾嶺或崇或卑或起或伏蜿蝻盤礴延袤數千里至於諸水源出江西分而溪澗聚而淵潭其名不一悉向西南流朝宗于海姑取其大者著之圖經志青嶂山在城東南五十里昔曹黃歐三僧至此坐化郡縣志翠阜屹立松檜陰翳有神仙隱凡一鍋似玉磨琢瀑布潺湲耆舊相傳有石鍋龍王居此迄今歲旱祈禱有應圖經志州按山面州治南南雄路志在郡南一里上多松栎蒼翠可愛圖經志中山去城四十里其形如巾焉故名中山南雄郡志中山郡治主山也去城四十里古云龍脉自衡山始其形端正如巾焉南雄路志在州之北三十里峯巒崔嵬高出衆山迢遞其勢奔赴而爲州蓋州之主山也圖經志五湖山在縣西北五十里南雄郡志靈湖山在官田里去城一百二十里高萬仞上有滴水巖瀦爲小湖古云有五色靈龜游其中凡旱祈禱靈龜出

即應宋封嘉德二殿龍王。見有祠。南雄路志在州東。距城八十里。昔人有見靈龜五色游泳湖中。因是名之。內有龍王廟。每天亢陽。州命僚屬詣山祈求。無不感應。五里山。在郡郭之東。名雖曰山。其實平坡。當官路之要衝。紹熙元年。郡守趙公伯肆起亭三間。名曰望安。前為屋遮。過道旁植松。外環以鹿角。嘉定四年。郡守宗簿趙公善俛。敗峒寇於此山下。誠設險固圍之地。嘉定十一年冬。過道屋宇為風雨壓倒。次年春。權郡張公垓重修。名為弭節亭。於東南小坡上。別創一亭。名曰館嘯。憧憧往來。至此憇馬。圖經志。大庾嶺在州之北。距城八十里。昔云一名塞嶺。漢元鼎四年。南越相呂嘉叛。以楊僕為樓船將軍。擊嘉。有裨將戍是嶺。以其姓庾。因名大庾。又以其上多梅。亦曰梅嶺。崖巖峻峭。往來艱阻。唐開元四年。張公九齡奉詔開鑿。宋嘉祐八年。蔡抗出使本路。檄官造軌。斲成路。自是行者便之。郡縣志。高一千三百五十丈。武帝元鼎四年。南越相呂嘉殺漢將韓千秋。封漢使節置塞上。即此嶺也。又按輿地志云。曰一名臺嶺。又按吳錄云。曰南野縣有大庾山。山有九嶺通廣州。南雄路志。道之端。舊有通道樓。易曰。叱馭道之中。有故亭基。因作亭。曰來屬之南。是為故粵。又作亭曰通粵。今三亭俱廢。元一統志。又名東嶺。白氏六帖云。大庾嶺上梅。南枝落。北枝開。嶺

上有寺。昔有婦人題云。妾幼侍父。任英州司寇。既代歸。以大庾有梅嶺名。而反無梅。遂植三十株于道。因題詩壁間云。英江今日掌刑回。上得梅山不見梅。輟俸買將三十本。清香留在雪中開。婦人不知何時人也。見南安志。五嶺輿地紀勝元和志云。秦南有五嶺之戍。謂大庾。始安。臨賀。桂陽。揭陽也。三角嶺。南雄路志。距城五十里。三峯高峻。巍然排列於郡之丁位。陰陽家謂之樓臺鼓角山。塞嶺輿地紀志。按郡國志云。庾嶺一名塞嶺。又曰塞上。巖南雄路志。山川。天地之秀氣也。巖則氣之盤結也。石高於山。泉溜於石。中有奇觀。異人居焉。自庾嶺而下。多平地。梅歷仙女玲瓏。三巖歸乎其高。奇峯怪石。森列錯峙。真勝景也。舊葛翁二仙。得道於此。仙女巖圖經志。在州東北七十里。中有二仙像。世傳秦時二女於此飛仙。南雄路志。在州東北。距縣八十里。闕天封寺。南幽實邃。靜杉檜鬱翳。泉石潺湲。中有二仙像。謂秦時二女。避地於此。得道飛仙。偽劉時。邑人葉子珣於此。得六孔金鐸。練藥鑑各一。紹興甲寅。三山鄭禹功。泐檄至臨仙寺。遊真仙訪二女。飛昇遺跡。嘗書長句云。千章古木翠巖前。二女秦時即此仙。香斷鼓壇烟磴外。苔侵衣石曉霞邊。笙簧韻遠風穿竹。環珮聲高玉漱泉。官客自知無道骨。此時安得從雲軿。揚歷巖圖經志。距城西北二十

里。上有龍潭。下有祇林寺。南雄郡志。山巔方廣有二巖。歲旱。郡守祈雨。一日雲霧雜襲。父宿登巖視之。龍吐一珠。大如鷄子。中有小龍動躍。郡守以匣載。以黃袱裹之。留鎮此鄉。後有郡守私竊而歸者。至庾嶺下。遂烈風雷雨。守驚。徑差人送還本處。至元丙子。大兵後不存矣。郡縣志。山巔方廣百餘丈。奇峯恠石。環遶前後。飛泉瀉空。方春明媚。花木芬菲。遊人多往焉。又有龍祠。祈禱報應。宋大觀五年。勅封顯施侯。羅漢洞。圖經志。在州東一百一十里。天漢中有羅漢數尊。現於此。南雄路志。梁天監中有羅漢數尊。現其相。幾旬隱去。其後鄉民塑繪像貌。祈禱皆應。白猿洞。圖經志。距城八十里。在梅嶺右。昔洞有白猿。因名。南雄郡志。峯巒秀拔。有石洞焉。正陽峽。方輿勝覽。張九齡詩。行舟傍越吟。窈窕越溪深。水暗先秋冷。山晴當晝陰。重林間五色。對石聳千尋。此物生遐遠。誰知造化心。倉石。圖經志。去城西北三十里。其形如倉廩焉。南雄郡志。其形方正。若翠屏。又輪囷如倉廩焉。放鉢石。南雄郡志。在雲封寺。章得象有詩云。石上曾經轉鉢盂。石邊南北路崎嶇。行人不見空嗟嘆。還識西來意也無。龍鬚石。鏡二潭。圖經志。在上梨南上錫村。去城六十里。其水皆發源於贛州信豐界。龍鬚潭。或云石上產龍鬚草。潭上石壁高五十餘丈。中有穴。水注入其中。不見

所出。自傳以爲龍窟。石壁旁。巨龍負兩高嶺。各巽至爲奇區。此潭之水。

所出相傳以爲龍窟石鏡旁距龍鬚隔兩高嶺路逕至爲崎嶇此潭之水亦發信豐界其二潭皆謂龍所居歲旱禱輒應牛輓潭南雄路志距城東二里水深數丈其形如牛輓因以爲名上有龍壇遇旱祭龍於此温泉二圖經志一在城西北十五里一在城南三十餘里南雄郡志冬夏常熱霹靂泉圖經志在虔嶺唐大監禪師得法南歸於嶺上卓錫有泉湧出後人從而屋之遂爲一方名藍亦名卓錫泉又有放鉢石長固水圖經志源出梅嶺下流八十餘里至河村合湏水修仁水圖經志源出信豐界下流一百餘里至大江郡縣志齊范雲爲始興太守至此賦詩云三楓何習習五渡何悠悠且飲修仁水不挹斜階流按圖經云斜階則古斜階水是也太平寰宇記源出始興縣東北東橋山西面入湏水此水北有三楓亭又有五渡水又有邪渚正渚二水源出始興郡淨水輿地紀勝在大庾縣見輿地廣記保水輿地紀勝古負水也在州東南雄路志在州東距城五里與昌水合流昌水郡縣志自東流西南橫入縣門通舟楫灌溉民田爲利甚博後改作保水輿地紀勝貞昌二水合流故縣曰湏昌後以國諱改曰保昌凌江水郡縣志在城西北百步湏灤交會清冷瀾漫爲州襟帶耆舊云天禧中登仕郎凌皓知保昌縣興水利疏濬溝澮

開導此水灌溉幾億萬畝。農人感德不忘。因號凌江水。暖水二南。雄路志一在保昌縣西二十里。源出楊屋山。四時常溫。以爲名。一在始興縣。羅溪園。其水如湯沸湧。大寒亦暖。以生物投之即熟。五龍瀧園。經志距城四十里。倉石後飛流曲折。高下成潭。云有龍焉。鄉人遇旱。隨禱而應。南雄郡志。群峯險峻。泉水潺湲。深不可測。

官室

燕樓園。經志在府治前。叱馭樓。輿地紀勝。余靖詩云。層巔突兀與雲平。賢者新題叱馭名。爲要澄清歸治道。不辭艱嶮表忠誠。南枝初見梅林秀。九折遙思劔戟橫。若使當時嫌遠宦。遊隅何得有歡聲。城樓方輿勝覽。齊祖之詩。漢初開郡出南夷。萬壑千巖足嶮巖。天上斗牛應共域。人間江嶺自分馳。堂池園亭南雄路志。燕寢凝香之地。必有亭臺池館。非以自娛也。外而應物。內而清心。所以酬酢萬變。自清心始。公退委蛇。烏可闕是。州自丞相章公出守之日。創望遠種玉八卦。挹翠等亭。繼是或以瑞相名。或更取景慕之意。或改望遠爲聚遠。八卦爲聽雨。遺迹猶可攷。至於靜春。則取伊川。靜則萬物自春之句。秀野則取東坡賦。溫公獨樂園之句。其間雖有廢不存者。然慨風景之殊勝。萃英游而燕。嘯臨眺。暢懷講議。竟日其



名之義非一端。槩因其地觀其時。風流醞藉於此可想云。井亭二圖經志在府治前東曰星泉。西曰清園。望遠亭與地紀勝在州治。亭章卯公所。作公爲郡守種荔子二株。郭祥正詩云。城角危亭兩面開。塵侵坐相舊時牌。凌江欲轉鯨魚活。荔子成陰玉樹埋。庚嶺乍過無瘴霧。長安不見柰愁懷。且傾濁酒承高論。秋水何由辨渚崖。植萱亭與地紀勝章得象有詩。通越亭與地紀勝余靖詩云。行盡章江庾水濱。南踰梅館陟嶙峋。域中紹祚千年勝。海外占風九譯人。嶠嶺古來稱絕徼。梯山從此識通津。與環輦賁無虛歲。徒說周朝白雉馴。媚連亭與地紀勝章得象有詩。來鴈亭與地紀勝余靖詩云。南方舊說無燕鴈。歲序嚴凝亦暫來。天外每隨寒雨過。春前先逐暖風回。人稀弋射增休避。俗厭魚餐網莫情。况是弟兄封境接。登臨應此久徘徊。三楓亭與地紀勝見五渡水下。種玉亭南雄路志在設廳前東廊後。丞相章公得象守郡初立。歲久亭毀址存。乾道八年郡侯王資重建中書舍人洪邁作記。嘉定九年郡侯黃庶再葺。池中環種白蓮。端平甲午郡侯張友以種玉亭面對凌江妙境之地。自北而南一境尤奇。別建亭於上。榜曰靜受。取王紹宗碧之詩。誰愛風流於靜處。獨含煙雨倚秋天之句。八卦亭南雄路志在瑞蓮堂池中。章得象建池產

瑞蓮建由堂南架虛廊以通亭直衝瑞相堂後白蓮匝坐荷蓋亭亭雨來  
嘈雜珠璣跳擲觸熱而有清致誠妙境也郡守趙伯埜更名聽雨秀野  
亭南雄路志在瑞相堂之西花竹尤茂郡守李公著新剞取東坡先生賦  
溫公獨樂園之句曰秀野今廢挹翠亭南雄路志章公創建在種玉亭  
西北相距五十步太守黃庶因葺種玉堂西築墻垣以至北城其亭遂廢  
挹香亭南雄路志在宅堂後清微堂之東庭有岩桂故名聚遠亭南  
雄路志在州治西北城巔丞相章公得象所剞舊名望遠政和初改今名  
中有柱勿捲雨凝紫三軒高明爽塏登臨遠眺山川獻壯了然目前為一  
州之勝前後名賢多有留題多瑞亭南雄路志在郡園安慶堂東紹熙  
辛亥池產瑞蓮十餘本郡守趙公伯埜剞亭以名之射亭南雄路志在  
安東堂之西聚遠亭之下三八兩指揮巡尉下人教習弓弩於此芙蓉  
亭南雄路志在宅堂後與清微堂相對翼以兩池植白蓮便坐坐嘯亭  
南雄路志在清心堂東偏靜涼堂之前宅堂之西郡守孫公密重葺移門  
向西自清心堂入為延見郡僚議事之所淨涼亭南雄路志在安慶堂  
之後以匝坐紅白蓮故名凝紫亭南雄路志在聚遠亭後臨城壕面向  
北楊歷諸山嶠嶂前列為一郡奇觀柱芻亭南雄路志在聚遠亭西郡

守未公初建寺即俞故書頌卷兩亭南雄路志在聚遠亭西南郡

北樓歷諸山。崕嶂前。爲一君奇壘。拉發亭南。志在聚遠。西君

守未公初建侍郎俞激書額。捲雨亭南雄路志在聚遠亭西南。知郡趙宗簿善傑建。學林亭南雄路志在瑞蓮堂後。知郡孫密。即舊地建亭。

景邨堂興地紀勝舊名瑞相。太守李公著。更名取景。慕章邨公之意。四并堂興地紀勝古之所謂四并者。取良辰美景賞心樂事。四者難并之語。

郡守潘公曰。吾之所謂四并者。公謹清通是也。公則無私。謹則無悔。清則無欲。通則無固。潘侯又作公謹清通四箴。清簡堂南雄路志在設廳後。太

守退廳。或假日於是。簽押文書。屏間榜十二字云。清欲通。明欲恕。寬濟猛。莊濟和。誠爲作郡者坐銘。歲久莫攷守之姓氏。槐堂南雄路志在郡堂

前西偏。郡守退食燕坐之所。檻外有槐數蔭滿庭。故名。清心堂南雄路志在小廳後。瑞相堂前左偏。有齋曰坐嘯。右偏有屋貯書板。爲印書局。郡

守休暇聽訟決事于此。坐簡。今移正廳後。照壁東畔。印書局。今移在書表局東畔。瑞相堂興地紀勝即瑞蓮之瑞。章邨公以瑞蓮之異入相。故榜曰

瑞相堂。南雄路志在清心堂之後。政和守周公錡因修堂有詩。真樂庵前舊相堂。瑞時何止碧蓮房。續太守李公著以瑞相之名無所經。見更曰景

蓋章公得象嘗守是郡。取景慕之意。凝薌堂。瑞蓮堂南雄路志。舊名四并。元祐太守潘公所建。以公謹清通并四者而爲名。公則無私。謹則

無悔清則無欲。通則無固。為治身臨政之要。郡推官張瑱為記。紹興間太守李公著因堂前池產白蓮雙蒂。更曰瑞蓮。李侯學篆於張謙中。劬古得斯米之妙。嘗大書家謙二卦。刻梓置壁間。堂後種竹千箇。為軒於其間。名曰學林。太守孫宥因修堂。乃於學林廢地。別建小亭。靜春堂南雄路志。在瑞相堂之東。隆興二年。郡守李公著初建。取伊川程先生靜則萬物自春之語。以名焉。中有室曰坐嘯寮。曰北窻。合而名之曰道院。今為靜源堂。清微堂南雄路志。在宅堂後。北城下南向。前植花卉。舊有飛橋倚城。而上有亭曰富覽。今亭橋俱廢。止存其堂。安慶堂南雄路志。在園之西向。南堂後水心有亭曰淨涼。種紅白蓮。池面連袞數畝。郡守趙公伯埭。因池內多產瑞蓮。又於堂東高阜處。建小亭曰多瑞堂。西南泮城有小教場。建射亭。為閒暇習射之所。堂直南五十步。舊有亭曰賦梅。植梅數十本。環繞左右。數蔭可愛。亭南有蓮池三區。種紅白蓮。着花早於他處。亭今廢。祠廟南雄路志。越俗尚鬼。一塊石之靈。一枯木之神。即見祠而徵福。城郭鄉村。往往有之。此古人所謂淫祠。唐賢所謂野廟是也。今不暇錄。惟取能禦大災。捍大患。有功德於民。威靈顯著。祈禱感應。載於祀典者。次第列之。三皇廟圖經志。在新城內。城隍廟圖經志。在縣治西南。雄路志。在州城南。或云

漢印之大。夫國子為百。月斤。高且思。行忠。則。令天下。郡縣。附。成。而。廟。已。

漢御史大夫周苛為項羽所烹。高祖思苛忠烈。令天下郡縣附城。而廟祀之。紹定五年。郡守黃公宥重修。文廟圖經志見儒學。旗幟廟圖經志在千戶所後。東嶽廟南雄路志。郡城外南市之首。蓋天齊仁聖帝行宮。清源真君崇寧真君孚應王嘉應公顯聖侯祠。皆附在內。南海洪聖廣利王廟南雄路志。與東嶽行宮相望。正廟在廣州扶胥口。唐韓昌黎文集。南海神碑。即此神。淳熙年間。道判林楫重修。紹定間。為賊所焚。五年。郡守黃公宥重建。五顯靈觀廟南雄路志。附在南海廟之東。靈惠助順顯衛聖妃廟南雄路志。在門外石橋南。本莆田人。死而為神。乾道間。顯靈。嘉定庚午。郡守趙公善俛。以江西峒寇累犯境內。遣官吏往韶州迎香火。新創行祠於此。以祈護祐。靈顯德濟公廟南雄路志。在州西南二里。正廟在英德府真陽峽內。賜靈川廟額。舟船往來。皆乞靈。而後行。紹定五年。郡守黃公宥重修。仰山孚惠二王行祠南雄路志。在石橋西北。先是邦人。醜金初廟。歲久屋圯。紹定六年。郡侯張友鼎新之。用錢伍拾餘貫。文省。內外視。昔遂為整備。專以禦寇庇民。致禱於神。祝文可攷。閩士劉應祺作記。五侯廟南雄路志。在郡城之後。屢於冥漠。有卻敵之功。前郡倅趙汝誠有記。紹定五年。郡守黃公宥上其事於朝。賜廟額。為孚應教授。盧自明有

文以紀之。五岳廟南雄路志在世顯坊覺真寺東。青龍廟南雄路志在天慶觀前。石巖將軍廟南雄路志本在商稅務內。紹興年間宋法師以郡治宅堂土地神不能麾呵怪異。兩易其地。今州廳後西畔有將軍神像。蕭史君祠南雄路志邦人感其築城之功。建祠於北隅祀之。嘉定八年郡守劉公亮以民間不便祭祀。別創一祠於城隍廟之東。庚辰郡守孫公密因修城樓。併葺城北隅祠堂。雅飾神貌。以報史君展創城築之賜。寺觀南雄路志郡邇曹溪薰染老盧之教。自唐暨宋朝名僧繼出。故俗喜奉佛。梵宇相望。他郡不及。至修真之士甚稀。是以觀少於寺。兩邑所管寺觀三百有餘。兵火之後所存僅及三之二。今取其有住持載之。荒廢者姑得以畧。龍泉寺郡縣志在城北三十五里。輿地紀勝在州北道傍。中有龍泉井深百餘丈。澄湛甘美。舊傳通海眼。時有蒼龍蟠躍。往視者骨目寒凜。梵雲寺元一統志在城北八十里大庾嶺。

壇遺

南雄府圖經志社稷壇在本府城北。南雄路志舊在州案山旁。紹興間盧守楚承兵火之後。遷在南市。慶元六年郡守宋公价取其地為凌江館。移於貢院之北。中為壇。四春秋祈報社祭土。配以勾龍氏。稷祭穀。配以后稷氏。歲

祀風。自雷雨而皆。皆不立祀。建屋三間為儀事。所繞以高垣。教授朱仲

院之北中爲壇四春秋祈報社祭土配以勾龍氏稷祭穀配以后稷氏歲

祀風伯雷雨師皆特祭不立配建屋三間爲歲事所統以高垣教授朱仲  
河爲記嘉定己卯太守孫公密到郡之初檢視庠陋其壇北隙地爲居民  
掘鑿窳坎祠事遇雨望祭排設廳上行事官無所容身從者兩立以俟遂  
委保昌丞郭承直士楚整葺之郡給材料創屋兩間翼其旁以爲獻官駐  
泊之地增展壇墻鋪砌路徑以便登降外爲門屋三間以休臺與粉飾丹  
雘輦飛壯觀盡革簡陋而祈報賞恭之誠盡矣圖經志風雲雷雨山川壇  
在本府城南無祀鬼神壇在本府城北郡縣志二仙壇在大庾嶺踞山  
巔啄石成壇者舊云昔劉許二仙煉丹於此路志危峭獨出穿空漏乳柱  
石几高低可攀今有仙茅惟近壇者爲妙。

官制

知府正四品同知正五品通判正六品推官正七品經歷司經歷正八品知事  
正九品照磨所照磨從九品檢校未入流司獄司獄從九品儒學教授  
從九品訓導未入流僧綱司都綱從九品副都綱未入流道紀司都紀從  
九品副都紀未入流陰陽學正街從九品醫學正科從九品常平倉大使  
從九品副使未入流稅課司大使從九品小嶺中站遞運所大使未入流  
凌江水馬驛丞未入流黃塘水馬驛丞未入流遞運所大使未入流本府

豐積庫未入流南雄守禦千戶 正千戶 副千戶 百戶 所鎮撫

吏目

公署

南雄府圖經志在舊城 司獄司圖經志在府治西 屬縣二 保昌縣

圖經志附府城 始興縣圖經志去府治西南九十里 提刑按察分司

在府治東守禦千戶所在府治西巡檢司計五處 保昌縣管四處 紅

梅在寧潭里大黃在烏源里平田在官田里百順在百順里始興縣管一

處 瓔珞在南岸里郡治路志今之郡守古諸侯之職也。侯居之制雖廣

狹不同而等級次第截然不紊。燕門戟門古諸侯之卑門應門也。設廳古

諸侯之外寢也。正堂古諸侯之內寢也。規模宏壯。可以列衛戟之森嚴。倘

制度卑陋。何以整肅吏民。而臨制邦域乎。保昌郡治由來遠矣。創始之名

氏。興建之時。日無從搜次。歲月推移。屋宇傾弛。淳熙改元。郡侯趙公晰而

而新之。創建角樓。比舊增高五尺。內而郡治。亦加繕葺。表裏雄壯。侔於中

州矣。正南門為大門。上建樓置鼓角刻漏。以警昏曉。前東十步。亭曰手

詔。前西十步。亭曰頌春。次為儀門。列戟十二。中為設廳。廳上扁真宗皇帝

御製文臣七條。庭中立戒石。覆以木殿。東西兩廡各二十五間。諸庫吏舍。



御製文臣七條庭中立戒石覆以木殿東西兩廡各二十五間諸庫史舍

在東廡之後。賓位居西廡之首。後爲宅堂。設廳之右爲西廳。西廳之右爲  
蒼廳。歲久弗葺。漸悉頽圯。且地形低隘。氣象不振。端平甲午。郡侯張友棻  
高基址。由外及內。與夫兩廊。吏舍悉鼎新之。始覺幕府文書之地。爲壯觀  
矣。教授盧自明作記。解舍路志通判廳在郡治東偏。舊係簽判廳。規模  
卑隘。崇寧間。易爲通判廳。前後因循。未遑修治。慶元丙辰。倅徐榕用本廳  
歲收修造錢。易而新之。門廡廳堂。顯敞相稱。經總制錢物庫。皆當廳之東。  
賓位當西廡之最北。吏舍在賓位之西。廳左闢室數楹。明窻四達。扁曰展  
驥。以爲退食委蛇之所。無復曩時之卑陋。開禧丁卯。倅張元晉重修東廳。  
名其堂曰助宣。堂前舊有亭。名曰倦雲。今改作風月。助宣堂後有隨勝堂。  
前有一軒曰愛蓮。小橋通過後園。嘉定戊寅。倅滕珂於宅堂後。新建屋三  
間。名曰行樂堂之前闢兩室。東曰看雪。西曰吹香。堂之後有方池。種芙蓉。  
蓮。道池。築徑夾以海棠。中有亭曰照香。兩旁種竹成廛。由徑而成。有八角亭。  
曰塞玉。池之旁有兩亭。左曰天然風月地。右曰自在水雲鄉。右亭之後。傍  
竹開軒曰深淨。由軒而過。行樂有小船亭。曰方外。丘壑照香。則初於道守  
陳君梓。餘則寓閩趙君希鄂所。初二車。許君夢齡。又於船亭畔築一臺。曰  
最高。廳之西有便門。通郡治。教授廳路志舊在學宮之西。淳熙十一年。

教授王君宗度。初於學宮之東。繼以趙君師部。增建後堂及門屋。紹定戊子。罹寇燬為瓦礫之場。盧君克明重建門屋。朱君正中。建公廳。并東西兩廊。翁君甫建堂屋。由廳而入小亭。旁植竹。左右有兩軒。左曰及軒。右曰君子軒。舊由廳後行。張君晞顏由廳之西。新作一門。客有過軒者。便之。軒之前通泮水。兩池種紅白蓮。堂之中有桂舟。兩旁皆植芭蕉。堂之後有茅亭。曰皆清。亭之前後皆種竹。君子軒柱記。則陳君應龍為之。皆清柱記。則李君遇為之。廳之西有便門。通郡學。推官廳。路志。舊在米倉前。今截皇華館後。堂屋為之。錄參廳在郡治之西。獄在廳之西。東為便門。通郡治。司理廳。距郡治三十步。獄在廳之南隅。司法廳。距郡治六十步。監押廳在清化營內。監稅廳在稅務內。巡檢司在迎恩門外。管界寨嘉定九年。遷在光孝寺之左側。郡志。府治面南。廳事前有古榕。四株對峙。枝葉陰翳。經歷司。知府廳。同知廳。通判廳。推官廳。經歷廳。知事廳。府吏廨舍。司獄司。

倉庫

路志。倉庫一。郡財賦所係。入南以夾財賦。此之中州極少。而保昌為郡比之他州。為尤少。苗賦所輸稅一萬餘石。務場之入。僅五千餘緡。不及中州。

一。大縣。而凡百費用。於此。需焉。謹蓋。歲。出。納。是。不。可。不。加。意。常。平。倉。

之他州爲尤少。苗賦所輸稅一萬餘石。務場之入。僅五千餘緡。不及中州

一大縣。而凡百費用於此。需焉謹蓋。嚴出納。是不可不加意。常平倉

圖經志在府治西。屬縣際留倉。始興縣倉圖經志在縣治前。州米

倉路志在郡城內西南五十步。鹽倉路志舊在縣學之東。今廢。行用

庫圖經志在府治南。豐積庫圖經志在府治前。軍資庫路志在州廳

西廊。常平庫路志上供銀庫。折米場路志並附軍資庫內。公使庫

州廳東廊。酒醋庫路志州廳東廊後。甲仗庫路志在州廳東西

廊上。有樓屋收載軍器。銅鐵庫路志在政平門內之西。架閣庫路志

舊在僉廳內。嘉定三年春風雨漂到。今附于甲仗庫。抵當庫路志在商

稅務內。

館驛

計二處。遞運所車站。附凌江驛。圖經志在城南。馬八疋。驢五疋。船五

隻。東抵南安府大庾縣界。南往韶州府曲江縣界。驛一所。黃塘

驛。去府治九十里。始興縣管。馬五疋。驢三疋。船五隻。遞運所

在城南。船二十隻。車站在城南。車貳拾兩。每一車夫五名。牛三頭。

中站在靈潭里。本府與南安府共。各車一十兩。每車止用夫十名。路志驛

館。凌江。二廣咽喉之地。往來憧憧於此。憇息舍舟而途。越嶺而汪。必盤

泊信宿而後行。州城內有八使行衙。寄梅驛市南有凌江館。近水樓。距城之東有沙水懷德一驛。直至梅嶠城之南。則有暖水道庵。隸始興焉。至於送迎。則有郵亭津亭。舊頽圯不支。近已一一修葺。賓至稱便。其創締之顛末。地里之遠近。具列右方。八使行衙路志在郡城內南隅。距郡治百餘步。規模壯偉。屋宇高敞。興建歲月。無從考究。淳熙八年。郡守韋能千重修。他州莫及。實皇華所臨之地。號八使行二五。寄梅驛路志在郡城之南。前此士夫鼎至。它無館舍容之。紹熙三年。郡守李公岐增葺開展。扁以此名。郡守孫公宬重修。歲久不整。頽圯甚矣。端平甲午。郡侯張友一新。內外增廣。氣象雄偉。非昔比也。凌江館路志在南市瀕江。舊爲郡社壇。慶元元年。郡守宋公价因建是館。以使士夫之艤舟。歷年寢久。支傾補罅。莫敢寓焉。端平甲午。郡侯張友亦一新之。行衙驛遂成鼎立。士夫于于而來者。皆如歸焉。沙水驛路志距城二十五里。舊以驛鋪廳宇爲之。非士夫匿泊之地。嘉定四年。郡守鄒公孟卿移漢節亭向北。以爲廳事。規模未暇開。廣。嘉定己卯。郡守孫公宬下車未幾。即鼎新之。門廡廳堂。悉如常式。庖湏之所。堂不整備。保昌宰傅烈作記。自是十五年弗葺矣。屋雖不廢。若將壓焉。端平甲午。郡侯張友謂此尤不可因循。遂委保昌尉上官啓宗董工。以

重葺之。爲費雖甚。不貲。討有心力。且確實內外。輪奐一新。可以支久。至是

馬端平甲午。郡侯張友。謂此尤不可因循。遂委保昌尉上官啓宗董工以

重葺之。為費雖甚。不貲尉有心力。且確實內外輪奐一新。可以支久。至是而近郊亦足以憇憇。往來之客矣。已上三驛木植等費。悉於公帑那支。張侯凡不得已。有營繕委無一毫科擾於民。皆預有榜文以曉眾聽云。

懷德驛

距郡城四十五里。嘉定三年冬。峒寇犯境。悉成煨燼。次秋郡

守鄒公益卿重建為屋三十餘間。遂易今名。士夫自本州出嶺。由南安入嶺。皆宿泊於此。以居驛程之中也。暖水道庵。屬始興縣。距州一百二十里。慶元間。漕使皇甫煥新建。悉如館驛之制。命道人一名在內掌守。每月支漕司錢米供贍。專備湯飲供往來行人。懷化驛。郡志在城東北四十里。南康記云。南康縣大庾嶺四十里。橫浦有秦時關。今懷化驛是也。

鋪舍

計二十二所。每鋪設鋪司一名。鋪兵六名。圖經志本府東抵南安府大庾縣界。由保昌縣官路往。計八鋪。長亭鋪。長邊鋪。沙水鋪。石塘鋪。裏東鋪。火邊鋪。小嶺鋪。紅梅鋪。已上係保昌縣管。南抵韶州府曲江縣界。由保昌始興二縣官路往。計十四鋪。府門鋪。東漿鋪。修仁鋪。已上三鋪係昌縣管。古祿鋪。都塘鋪。瓔珞鋪。黃田鋪。楹塘鋪。圓嶺鋪。黃塘鋪。界口鋪。馬眼鋪。七里鋪。正富鋪。已上十一鋪。係

始興縣管郵亭路志望安亭 在迎恩門外離州五里。迺迎送達官之地。郡守趙公伯律建。歲久亭廢。端平甲午。郡侯張友重建。規模視昔頗增壯觀。因易名通度。迎恩亭 在迎恩門裏。乃郡守接官之所。端平甲午。郡侯張友重修。舒嘯亭 嘉定己卯。權守張公垓重建。在望安亭之東。今廢。聞韶亭 莫詳所建。歲月端平甲午。郡侯張友鼎新之。濯纓亭 在城西三里。寶慶丁亥。郡侯史沂建。歲久頽圯。端平甲午。郡侯張友鼎新而增廣之。來鴈亭 在度嶺之北。余襄公詩云。南來舊說無燕鴈。歲序嚴凝亦暫來。傳鋪 州與江西接界。凡文書急遞。自中都而達南粵。率於此始。故郵傳加謹。郡之東屬保昌縣。郡之西屬始興縣。東西凡九鋪。每鋪二十五里。於中復置腰鋪。蓋欲走傳之速也。上路至南安軍界七十里。每二十五里置一鋪。東門鋪 懷德鋪 嘉魚塘鋪 下路至韶州界一百二十五里。羅女塘鋪 瓔珞鋪 楹塘鋪 階口鋪 暖水鋪 已上九鋪。屋宇歲久盡廢。兵卒往往無以庇風雨。三三兩兩寓迹民居。端平九年。郡侯張友委官計料。各鋪鼎新。捌間。於軍資庫那撥錢四百貫文省。以買木竹之類。本州嘗準漕臺行下。逐年支錢修葺。大寧鎮距州七十里。舊制監官文武各一負收稅。兼管煙火。紹興間。改為溪塘鎮。

止置武臣一負。祖額年終支錢一千一百二十二貫三百七十六文。家文

距州七十里。舊制監官文武各一負收稅。兼管煙火。紹興間。改爲溪塘鎮。

止置武臣一員。租額年終收錢一千一百二十二貫三百七十六文。緣收  
趁不敷。於鄒提刑任內。立定年額收錢八百六十四貫四百九十一文。省  
春網牛稅錢。舊例收錢一千九百餘貫。從準嘉定七年。轉運司行下。准朝  
省。劄下移牒湖南江西販賣人往來徑從。使互相委保。判給公憑。所過場務  
比舊額物與減半收稅。以十二年春網收到錢六百餘貫。城下商稅務  
在大市中心。租額收趁錢。每年五千五百六十八貫六百四十五文。省。

稅課司圖經志在城南。惠民藥局圖經志在府治東。園院路志養生

送死。民事之大。生不能以自存。死不能以自葬。誰獨無惻然之心。惠養安  
措。必有其地。庶幾可以無憾。州漏澤有園。取古者掩骼之義。廣朝廷漏泉  
之澤也。安濟有院。養鰥寡無告之人。推朝廷博愛之意也。其居必葺。其惠  
必周。仁民愛物之心。於此可見。養濟院郡志在保昌縣學東。路志舊在  
郡東門孝悌坊。廢圮已久。慶元間。通守周公遜新創屋三間。于縣社壇之  
東二十步。每歲孟冬漸寒。支給常平錢穀。俾無失所焉。歷歲滋久。屋宇頽  
損。紹定六年。張侯友並捐金。委官監修。重築墻垣。內外圓備。凡用錢叁拾  
貫。省有奇。

學校

本府儒學圖經志在城東。射圃郡志在學西路。志學校。古者郡國莫不有學。所以厲人材明教化也。故鄉校不毀。鄭人歌之。蜀郡興學。史氏褒焉。蓋學校風化之本。不可緩也。我朝慶曆治平間。文風寢盛。詔州縣皆得立學。奕代相承。遵守成法。京師建首善之地。郡國恢泮宮之制。分置儒官。俾司教育。雖遐陬僻壤。視內地如一。保昌為郡。介在嶺表。去中州未遠。士知務學。有閩浙之風。登科第者。踵相接。豈非學校作成之效歟。郡學距城二里。治平四年。郡守陳公侁奉詔創建。舊由庠門。今門面丙。至聖文宣王廟合於學中。正南為櫺星門。門內為池。池兩畔為亭二。次為學門。為戟門。列戟二十有四。上建傑閣。榜曰御書閣。安奉高宗皇帝御書五十九軸。并真草書孝經一十八章。閣前左右為更衣亭二。大成殿中殿上。石刻真宗皇帝御製至聖文宣王贊先聖畫像。伯魚侍行乃秘閣。本殿後為講堂。堂上立張文獻公余襄公祠。後為議道堂。直舍東西兩廡。各一十六間。其並殿三間為從祀。正錄位在講堂兩畔。養賢堂在學正位之側。齋曰曰厚倫曰博文。在東廡。曰致遠。曰崇德。在西廡。直學司書位。在兩從祀之側。南廡為六學諭位。祭器庫在東學諭位之左。有祭服六箱。及籩豆盥盥罇壺。並貯於庫內。學糧倉居西。學諭位之左。每歲租米盡納於倉中。倉之西為

射圃內有亭名曰見德。元在學後。嘉定七年。改受亭。詔新多於此。本學系



並則於廡內學糧倉居西學諭位之左。每歲租米盡納於倉中。倉之西爲

射圃。內有亭名曰觀德。元在學後。嘉定九年。教授李韶新移於此。本學係郡守劉公篆。教授林公襲於嘉泰四年。內重修屋宇。至今猶新。州學

本學元額管催保昌始興兩縣大小米一千二百四十八石二斗六升。自兵火後失陷逃亡。計五百七十二石五斗八升。端明李公韶。察院李公遇。分教此邦。亦嘗根出一二。然往往侵戶。據爲己業。學舍視如墮甑。故難以盡數。尅復舊物。迨淳祐八年。教授趙君沂孫見本學官簿。僅載租數。而畝步四至。咸無焉。遂稟使府。申提學司。給由付佃戶。開具田段。仍分委職事。詣田所打量。取見畝步四至。起造碁基。爲永遠計。因而根括。夫陷田六百餘畝。子粒錢二十貫。文省有奇。提刑宋公慈。史君趙公善璠。劉公揚祖。權郡韓公良祐。亦知本學所入。不足以支所出。前後相繼。發下絕產。添同養士者不一。今迤年見納租米。本色一百一十六石四斗六升。價錢大米六百三十石四斗一升五合。每石折納一貫七伯文足。小米肆拾五石一斗四升。每石折納一貫六伯文足。子粒一百二十二貫三伯二十三文省。又日收房廊錢七伯一十三文足。教授劉君木秩滿。改辟常平幹官。嘗有請於提舉謝公遂。蒙撥鹽二百。籬下學發賣。得錢一千六百餘貫。置到朱華等田。爲小學庄。此外教授朱君正中。又新創房廊一十八間。日納錢三百七

十文足。別項撥管日支職負紙劄用費。紹定癸巳。郡侯張公友嘗撥錢二百貫。修葺齋舍。因見學校職事生負之數。頗增於舊。遂就州倉歲支米三十石。下學添湊養士。仍給據永遠爲例。歲以七月前支。寶祐改元。史君告院。周公申下車之初。以學校爲第一義。人有爭田于官者。稍不合理法。悉入學以養士。如何喜二等之田是也。丁祭之日。首撥米以助廩給。雖倉無贏糧。亦不暇計也。貢院 舊在延祥寺之西。中遭兵火。焚燬殆盡。紹興以來。三歲科舉試於僧舍。皆病其隘。紹興元年四月。郡侯趙公伯律。輟州家之美餘。舍郡士之助金。移教場於土門外。取其址爲貢院。大門。中門。各五間。封彌。榜。錄位。夾兩旁。正廳五間。兩廡各一十三間。後堂五間。中扁曰衡鑑堂。氣象雄壯。冠於嶺表。趙侯書額。吏部尚書謝諤作記。端平甲午。歲當大比。郡侯張友以歲久屋宇損敝之甚。廊廡且皆坍塌。遂鼎行葺造。內外煥然一新。視昔尤偉。時委保昌趙令。與泳尉上官啓宗監督營繕。計用錢四十萬。米七十石。皆州郡那融以應之。所買木植。並照時直支錢。一毫無擾於民。嗣時厥後。美意不續。每遇詔歲官吏。並緣取之於民。不可勝計。民敢怒而不敢言。淳祐壬子。諸士友列詞于郡。乞分團保出竹木備工役。仍願委教授張晞顏。保昌主簿譚必子。以董其成。於天井中新添兩挾廊。東

西各六間。是受也。官無所負。民以爲更。或願以是料爲隼云。紹州曾發

願委教授張晞顏保昌主簿譚必子以董其成於天井中新添兩挾廊東

西各六間是役也官無所損民以為便咸願以是科為準云韶州曾發  
判所撰張侯鼎修貢院記因及其任內椿積築外城錢一項茲併載焉其  
文曰出豫章下滇水曰雄州脉絡江湘襟帶交廣山川孕靈涵秀之彥代  
不乏人三歲賓興舒翹揚英梯級霄漢袂相屬也而棘闈塵藝之地迺陋  
不見治毗陵張侯友師帥是邦導宣華風陶染士類暇日平確詞章不減  
布韋筆硯之寒歲當登賢書謂詞場眼境庫汚士子何以明發靈胎迺屏迺翳  
迺新是圖自門徂基自皇徂堂啓之辟之百爾並作庭庶洞達撩焚高騫  
皇皇偉觀蓋耀人目使士子仰棟宇之高闕以浩其氣俯廉隅之峭整以  
厲其節觀舟楫之燦麗以昌其文游目而得於心豈徇華土木云乎哉噫  
嘻世之士大夫軒冕一穹視布衣若將浼者多矣奚暇他及侯不惟澹養  
若儒素而恢弘士氣之機且見於長養凝實之餘詩云濟濟多士克廣德  
心斯之謂乎侯自下車來羽檄方叢而俎豆之事亦不偏廢架壘梁壯城  
宇以侈金湯之勝而營舍之修尤汲汲介心銖積帑金將及二萬緡欲拓  
築外城為保障之圖而學田之增尤欲垂利於悠永使侯當從容無事時  
則其羽翼斯文者將何如哉蓋侯名門素風得漁沫之傳文靖公與張紫  
岩為淡交勲在國史係齋雅潔之操揚文節公劇嘉道之信乎侯之家學有

源乎。充若所爲功用。豈易量哉。次元蝗粟隣封。歛衽侯望。熟矣。帳未造鈴下。一日士革來謁。夸大貢宇之宏。屬余叙誌之。次元竊謂侯之善政。若士與民。銘誦之。美俟贊語。然是舉也。乃作新士氣樞鑰也。爾士子去卑陋。而詣高明。意氣激昂。頭角軒露。異時猶曲江之張日南之姜大聲。颯颯嶺海之光。可不知攸自歎。迺紀諸堅珉。使道盛德至善而不忘。若夫繕費之浩繁。區宇之羸縮。保昌志詳矣。不書。端平元年八月朔日。從事郎韶州軍事判官曾次元記。朝散郎權知南安軍兼管內勸農管田事彭鉉書。奉議郎通判南雄州軍州兼管內勸農事劉無愠篆額。解額路志貢舉條例。政和三年。禮部詳定諸州解額。本郡一十三人。邇年兩邑之士。就試頗多。至三千餘人。考官兩負。貢士莊路志貢士莊之立。蓋爲歲貢。鄉曲英俊。西上者設也。始於嘉定乙亥。學職以香雲院產有請于郡太守劉侯公亮。從所請。歲入三十緡足。繼以太守黃公庶。增以寶林寺等三院之產。及撥網營等地。由是歲入。計一百單八緡有奇。寶祐癸丑。史君告院。周公申懲郡吏黃中。侵移官錢之姦。籍其田二十一畝有零。以隸本莊。正寧卒方貴奇。歛囚財之罪。佑其田以入本莊。其後再根出方貴未盡籍之田。計二十七畝四十五步。又損價平售于本莊。教授張晞顏。因貢士中有赴省不前者。

繳回元津送錢共五十四貫有奇。遂破舊日發隸修造支遣之例。專一椿

繳回元津送錢共五十四貫有奇。遂破舊日撥隸修造支遣之例。專一稽留以爲本莊之用。又於學浮費痛加撙節。撥助本莊。營朔樓店一所。名朝京館。又架樓於館之後。扁曰梯雲。兩廊并樓房共十八間。除官放外。歲定約收價錢一百貫。官省。繼自今每歲而斂三歲而散。可倍於前。凡學之內外。新舊舉人。及赴殿試者。支送各有差。雖廣去京遠。然亦可以薄爲雇。助云。先賢祠。先賢五先生祠。圖經志在府學東。張文獻公祠。圖經志在府學西。

兵防

教場圖經志在城西門外路。志舊在城壕之東。紹熙元年。郡守趙公伯埭取其地爲貢院。遷在土門外嶺上。中間築舍名曰閱武。繚以垣牆。其地夷曠。春蒐秋獮。閱習便焉。小教場路志在郡之西園。安慶堂之側。有習射亭。營寨教場路志二廣之兵。以推鋒軍爲重。自五羊而下。諸州率分隸焉。郡密邇章貢。峒寇出入無常。故置寨營屯。與夫土軍。牢城尤不可闕。春秋教閱必嚴。金鼓擊刺之節。所以壯威重備不虞也。營寨路志澄海十三指揮營。在子城南畔。額管禁軍四百人。見管二百五十人。澄海二十指揮營。在子城北畔。端平甲午歲。郡侯張友重。起建二營門。額管禁軍

四百人見管二百人。清化管在城外遷善坊之東。額管廂軍一百人見管六十人。牢城管在子城內城隍廟西。額管配軍七十人見管五十七人。水陸同巡檢司土軍寨在縣尉司之東。額管土軍一百人見管五十人。管界巡檢司土軍寨在保昌縣學之後。今在光孝寺側。額管土軍一百人見管六十人。殿司推鋒駐劄寨在保昌縣舊址。元管一百一十人。今增至二百二十人。贛守都鈐兼提舉本州兵甲事。遇有警急。即時申聞。彼處調發將兵三百人。前來防托。額管一百四十五人。提點坑冶司。般運銅鐵管在迎暉門之外。見管一百二十人。

古蹟

路志一郡之間必有靈異之跡。或仙釋之曾遊。或賢哲之嘗居。其人雖往。其跡猶存。如孔聖曲阜之杏壇。老君蜀郡之玉局。召伯之甘棠。諸葛武侯之八陣圖。歲月推移。歷數千載之久。後人觀之。起敬起愛而不忘。是郡處庾嶠之南。據江山之勝。巖谷之內。先賢讀書之室。宛然如舊。泉石之間。方士煉丹之處。釋子卓錫之所。至今未泯。蓋靈跡所寓。必有神物為之護持。姑取一二載之。庾嶺寒梅郡志即梅關也。古以其上多梅。凌寒先開。因名之。凌江秋月郡志在郡治西。其水抱城而流。澄澈環逸。秋高月明。一

色朝映見也。水為異故名焉。官道。公。郡志自郡至。更。關。八。十。余。里。嘉。

色朗映視他水為異故名焉。官道虬松郡志自郡至庾闞八十餘里嘉祐間漕使蔡抗奉旨栽植。夾道陰翳枝幹夭矯形若虬龍。靈巖龍瀑郡志去城北十五里崖嶂皆石巉絕十尺上有飛泉瀉空如瀑布焉。云有龍潛其巔巖中有龍王祠故曰龍瀑。陰晴塔影郡志城東延祥寺有塔三影祥符二年已酉云異人所建有塔影堂其三影不以陰晴見于壁間二影倒懸一影向上見廳堂間吉若見于房室則凶。三松臺郡志在城東光孝禪寺後嶺其地勢若臺形上有古松三株蒼翠如蓋因以得名。曹溪六祖大師郡志自黃梅得衣鉢秀上座領五百大眾追逐至大庾嶺上爭取衣鉢祖師遂將鉢覆石上杖卓石旁衆搨不動其古跡在嶺頭雲封寺內。羅漢井路志在城下迎恩門外後巷距城三里深纔二尺許泉水逆湧清冷甘美者老云昔有羅漢聖僧過此指出因以名之。官道松路志宋嘉祐八年本路漕使蔡公抗奉聖旨自上保昌梅嶺下至始興暖水鋪夾道種松數千株高聳霄漢盤蚪葱翠前賢題詩云六月火雲燒滿道綠陰清裏度行人至今茂盛人咸思公之惠。秦關元一統志在郡東北四十里南康記云南康縣大庾嶺四十里橫浦有秦時關今懷化驛是也。甘露戒壇元一統志在州之報恩寺。大庾嶺姬家元一統志通鑑長編

名之 凌江秋月 郡志在君治西其才抱城而流澄澈理迤邐高月日一

云。盧多遜南遷。度大庾嶺。憇一小家。其媪頗能語言。多遜詳問之。則曰。我中州仕族。有子官。亦沒顯。爲宰相。盧多遜挾私竄以死。多遜中懷毒螫。當犯法。禁我留此嶺上。以俟其過。多遜之行甚窘。媪固不識。即倉皇避去。果業寺元一統志。唐詩紀事云。六傑有涇陽果業寺。開東嶺洞谷。銘并序。二仙觀元一統志。在大庾嶺山巔。天封寺元一統志。在州東北。有僊女巖。

宦蹟

歷代官政蹟。蕭泐圖經志。皇祐二年。爲郡守。有仁政。時蠻寇陷邕。管侯議治城捍衛。工築未興。除殿中丞。代去安撫使入境。父老遮道泣且言曰。願借留以畢其事。使者條其狀以聞。詔從之。邦人感其築城之功。建祠祀之。祠今廢。范處厚圖經志。崇寧五年。爲郡守。大觀元年。詔製八行之選。每路以三人爲率。詔下二年。無應選者。惟南雄得譚煥。歐陽珪。許孜。爲一路殊選。皆侯之德化也。趙善僕通判圖經志。嘉定三年。准旨知南雄州。時江西峒寇數來犯。雄親提兵督戰。至沙水。其子汝振與司法叅軍黃樞實從。兵敗。二人皆死于賊。郡爲立祠以祀之。黃庶圖經志。嘉定八年。爲郡守。首訪民疾苦。以凌連二陂久廢。侯步至陂所。相而增修之。及去。邦人擁馬。



首認民疾苦。以凌連二陂。久廢。俟步至陂所。相而增修之。及去。邦人拔馬

首留之不獲。乃相與立碑。黃歲圖經志。紹定三年。為郡守。時夏秋間。又旱不雨。候禱有感。獲雨三晝夜。歲大熟。又奏蠲民之歲賦。敦尚教化。旌表忠節。大有德於此邦。亦馬都丁圖經志。西域人為郡守。到任二年。重新府治。建清太橋石墩。官道植松。收糧令民自把鑿。民為立政蹟碑。塔里海牙亦圖經志。回回人為郡守。有治蹟。濬陂灌田。民懷教民的。回回人為郡守。興墜起廢。民以荷擔為生。富戶養驢。馱奪其利。侯禁之。貧者得以養生。後立去思碑。張搏霄圖經志。襄陽人為郡守。清慎有為。修學校。創置兩廡。從祀。建言廣海軍民利便。後為立德政碑。楊益圖經志。字友直。洛陽人。至元丙子。由戶部侍郎。出為郡守。以安靜為政。禁絕淫祀。興利剔竊。不受私謁。兼工漢隸。有隸書太極圖說。西銘。及留別父老詩在學焉。孫三寶圖經志。泉州人。至正丁亥。由浙省照磨。同知郡事。廉介愛民如子。及代。民遮道不忍其去。咸垂涕焉。父老請留靴以為記。漢楊僕圖經志。為樓船將軍。出豫章。由橫浦下。涓水即此。章得象圖經志。為郡守。後入相。封郟公。連大守郡志。興水利。築陂灌田。至今曰連陂。鄭天益圖經志。太常博士。景德四年。潘邁圖經志。紹聖中。郡守。李熙載朝請大夫。政和二年。游經朝奉大夫。宣和元年。潘潛朝請大夫。紹興

三年。孫憲文朝奉大夫。乾道四年。趙汝作朝散大夫。淳熙十四年。趙伯埜朝散郎。紹熙元年。劉蒙朝請大夫。嘉泰二年。鄒孟卿奉議郎。嘉定四年。陳端禮朝奉大夫。宣和四年。通判。林次韓左承議郎。乾道六年。曾慤通直郎。紹熙五年。徐榕朝奉大夫。慶元二年。劉學雅承議郎。開熙元年。元安同中大夫。至元二年。郡守。趙好禮中順大夫。至元二年。同知。鄭康斗承直郎。至正二年。劉中孚承直郎。至正十四年。張致成承事郎。至正十年。經歷。麥文貴。郡志中奉大夫。集賢學士。麥鐵杖後。陳珪承務郎。吉安推官。朱原薦承事郎。清遠縣尹。朱應淵南恩州教授。朱應發廣州教授。將仕郎南海縣尉。吳惠孫肇慶府教授。吳瓊承事郎石康縣尹。麥澂奉訓大夫。知藤州。吳震徵事郎循州判官。杳陶興地紀勝太宗時。知南雄州。地當衝險。俗雜夷夏。陶至風俗為之一變云。鮑軻興地紀勝儂智高反。鮑軻時為廣東提刑。率其孥欲過嶺北。至雄州。蕭泐留之。雄州勉以忠義。乃日逆一奏。復以此策勲。耿南仲興地紀勝建炎元年。責南雄州繫年錄。趙子崧興地紀勝建炎二年。責南雄州繫年錄。元一統志靖康二年春。徽宗欽宗北狩。中原無主。子崧號召忠義之士。為壇歃血以盟。誓以勤王。再造宗社。衆聞康王在南京。乃以手書勸進。建炎二年。言者劾子崧嘗謀

再造宗社。衆聞康王在南京。乃以手書歡迎。建炎二年。言者劾子崧嘗請

不軌。責居南雄州。子崧著朝野僉載十餘卷。行于世。邵成章與地紀勝  
建炎二年。以內侍押班得責南雄州。時金人攻掠諸郡。群盜起。山東黃潛  
善汪伯彥不以奏。張遇焚真州。上亦不聞。成章上疏。條具潛善伯彥之罪  
故有是命。繫年錄。鄭剛中與地紀勝中興遺史。紹興十八年落職。居南雄  
州。剛中帥蜀。有聲。秦檜惡之。諷言者劾以贓罪。遂有是命。張士遜元一  
統志。真宗時。自江南轉運使徙廣東。士遜至此州。奏除苛政。蠲戶役十餘  
事。及移漕河北。經行。富有題詠。太守題名路志。南雄郡。舊有刺史題名  
記。爲木方書之。而榜於廳事。自田侯繼勳已下。至黎侯珣。凡五十有九人。  
其十有二人有名氏官秩。而不著其到官受代之歲月。熙寧中。李侯宗儀  
實典郡事。欲移刻於石。而被命移廣西。提典刑獄公事。既不免就。止因其  
故而新之。元祐四年。歐陽公來守此邦。越明年乃刻石。以終李侯之意。容  
或語公。請詳考田侯已下。爲政善否之跡。併書而刻之。以示勸戒。公曰。題  
名之興。蓋以備遺逸。若夫雋功偉德。利澤在人。邦之元老。能頌而碑之。無  
俟於余。其不善。則君子惡稱人之惡。况欲播之於無窮乎。皆非今之所敢  
知也。徒以爲木之爲物。柔而易毀。不若石之堅且壽。故易而刻之。庶其傳  
爲可久爾。僚屬聞公之言。相與歎曰。公之仁厚至矣。言人之不善。猶所不

忍其肯躬苛刻之政。以厲其民哉。推公之言。以質其所行。其內外可謂協矣。宜其郡人愛公之無斃。若甘棠之於召南也。乃相與叙公改作之意。冠諸碑首。使來者得以觀焉。元祐五年十月日。錄事參軍兼戶法事董宜卿序。田繼勳太子中允。盧佩太子中允。馮頌太常博士。田偁著作佐郎。張雍一作監丞舟宏少府監丞。范德林祠部員外郎。李德鄰費善大夫楊履信殿中丞查陶殿中侍御史孟洵國子博士孔揆太常丞王素交太子中允。至道二年八月到任。咸平元年七月替。杜惟一庫部員外郎咸平元年十一月到任。咸平四年六月替。張格國子博士。咸平四年六月到任。咸平六年六月替。錢昭順國子博士。咸平六年六月到任。景德二年九月替。單禹錫著作佐郎。景德二年九月到任。景德四年十二月替。鄭天益太常博士。景德四年十二月到任。祥符三年二月替。盧太初屯田員外郎。祥符三年三月到任。祥符四年十月替。王湛殿中丞。祥符四年十月到任。祥符七年二月替。聶巨川比部員外郎。祥符七年二月到任。祥符八年九月替。章德象都官員外郎。祥符八年九月到任。天禧元年九月替。作樞。俞獻卿太常博士。天禧元年九月到任。天禧二年八月移潮州。劉有政殿中丞。天禧二年十二月到任。天禧三年八月替。蔡慥著作佐郎。天禧三年

十一月到任。天禧四年四月丁憂。司臺下官員外郎。天禧四年十一月到任。

十一月到任。天禧四年四月丁憂。周瓘都官負外郎。天禧四年十二月到任。乾興元年十二月替。王嘉言殿中丞。乾興元年十二月到任。天聖二年十二月替。郭懷玉也田負外郎。天聖二年十二月到任。天聖四年十月替。畢慶長駕部負外郎。天聖四年十月到任。天聖六年九月替。崔中正大理寺丞。天聖六年九月到任。天聖八年八月替。李永德殿中丞。天聖八年八月到任。天聖十年六月替。陳師古也田郎中。明道元年六月到任。景祐元年閏六月替。李士雲也田負外郎。景祐元年閏六月到任。景祐三年八月替。陳躋殿中丞。景祐三年八月到任。景祐五年十一月替。吳有鄰也田郎中。寶元元年十一月到任。寶元二年七月移皮州監酒稅。許城駕部負外郎。寶元二年十一月到任。慶曆二年三月替。王罕殿中丞。慶曆二年三月到任。慶曆三年十一月就移本路轉運判官。唐諷衛尉寺丞。慶曆四年三月到任。晏寧大理寺丞。慶曆五年二月到任。慶曆七年三月替。張經也田負外郎。慶曆七年三月到任。八年閏正月除殿中侍御史赴闕。馬嘉言太常博士。慶曆八年五月到任。皇祐二年八月替。李詠虞部負外郎。皇祐四年到任。當年十月替。曾育立虞部負外郎。至和元年八月到任。嘉祐元年十二月替。晏昭素虞部負外郎。嘉祐元年十二月到任。嘉祐三年閏十二

月替許立比部員外郎。嘉祐三年閏十二月到任。劉鈞職方郎中。嘉祐五年十月到任。嘉祐八年四月替歐陽乾暉都官郎中。嘉祐八年四月到任。李景亮水部員外郎。治平元年二月到任。治平三年四月替韓緯比部員外郎。治平三年四月到任。十一月准初就移知均州。陳旒職方郎中。治平四年閏三月到任。熙寧三年四月替吳天常太常少卿。熙寧二年四月到任。熙寧四年四月替李宗儀都官郎中。熙寧四年四月到任。七月准初權廣西提刑王之才也。田郎中。熙寧三年十月到任。熙寧六年十一月初就差韶州。鄭諤虞部郎中。熙寧六年七月到任。初再任元豐元年二月致仕。梁立則也。田郎中。元豐元年六月到任。元豐三年六月替吳革承議郎。元豐三年六月到任。元豐五年十二月替葉比朝議大夫。元豐五年十二月到任。元祐二年十一月替黎珣朝散郎。元祐元年十二月到任。元祐四年四月替歐陽闢朝散郎。元祐四年四月到任。元祐六年六月替魚康伯朝請郎。元祐六年六月到任。潘朝散郎。元祐八年八月到任。紹興三年十一月替彭璟朝散郎。紹聖三年十一月到任。元符三年八月致仕。阮之才承事郎。崇寧元年四月到任。崇寧二年九月致仕。劉渤朝奉郎。崇寧四年八月到任。崇寧五年四月致仕。李熙載朝請大夫。政和三年四月到任。謝或承

議郎。政和四年四月到任。政和六年十一月替周弼朝請郎。政和六年十二月

到任。宗寧五年四月致仕。李熙載朝請大夫。政和三年四月到任。謝或承

議郎。政和四年四月到任。政和六年十一月替。周錡朝請郎。政和六年十二月到任。宣和元年十一月替。楊禎宣教郎。宣和元年十一月到任。宣和三年七月事。游經朝奉大夫直祕閣。宣和元年五月到任。宣和七年七月除兩浙提舉坑冶。姜索朝散郎。靖康元年三月到任。建炎二年七月折資罷。李公衍奉直大夫。建炎二年十二月到任。建炎五年二月替。鄭成之右朝奉大夫。紹興元年二月到任。紹興三年六月替。潘潛左朝請大夫。紹興三年六月到任。五年七月初主管台州崇道觀。莊緯右朝請郎。紹興六年八月到任。八年正月就差主管台州崇道觀。趙子頌左朝散郎。紹興八年六月到任。黃達如左朝散郎。紹興十年閏六月到任。十二年六月替。劉榆右朝奉郎。紹興十二年六月到任。十四年六月替。馬竑左朝請郎。紹興十四年八月到任。十六年九月替。朱同右朝奉郎。紹興十六年十月到任。十八年十月替。盧楚左朝請大夫。紹興十八年十月到任。二十二年十一月替。都絮左朝請郎。紹興二十二年十一月到任。二十六年四月初差知德慶府。盧迥右朝請郎。紹興二十六年四月到任。二十七年四月替。曾汪左朝散郎。紹興二十九年四月到任。三十年九月召赴行在。方暘右朝散大夫。紹興三十一年二月到任。三十二年二月致仕。李著右朝請郎。紹興三十二年十一月到任。乾道元年

正月替李汶右朝散郎。乾道元年正月到任。三年四月替。黃洧右承議郎。乾道三年四月到任。四年四月除提舉廣東市舶。孫憲文右朝奉大夫。乾道四年五月到任。自通判就差州事。六年正月赴召。趙應左朝請郎。乾道六年閏五月到任。六月丁所生母憂離任。王濟右朝散郎。乾道六年十月到任。九年正月替。趙公晰左朝散郎。乾道九年正月到任。淳熙二年三月替。張輝朝散大夫。淳熙二年三月到任。四年六月替。李榮奉議郎。淳熙四年六月到任。六年正月轉承議郎。韋能千朝奉大夫。淳熙六年七月到任。八年七月召祠。吳輝朝散大夫。淳熙八年八月到任。十年十一月替。黃劭宣義郎。十年十一月到任。十三年二月替。趙汝作朝奉郎。淳熙十三年二月到任。十五年四月替。黃允朝散大夫。淳熙十五年四月到任。紹熙元年四月替。趙伯律朝散郎。紹熙元年四月到任。三年六月替。李岐朝散大夫。紹熙三年六月到任。五年八月替。廖個武節大夫。紹熙五年八月到任。慶元元年十二月官觀。孔異武翼郎。慶元二年三月到任。至三年閏六月官觀。謝卓然武節郎。慶元四年二月到任。至慶元年三月一日致仕。宋价朝散大夫。慶元六年四月初十日到任。至嘉泰二年四月二十日任滿。劉篆朝請大夫。嘉泰二年四月到任。至嘉泰四年六月任滿。聶周臣朝奉大夫。嘉泰四年六月初九日到任。至開禧二年七月二十一日任滿。李岳武經郎。開禧二年七月二十二



任。至開禧二年七月二十一日任滿。李岳武經郎。開禧二年七月二十二日到任。至嘉定元年六月初五日致仕。郭圭朝請郎。嘉定元年十月初十日到任。至嘉定三年六月二十四日。准省劄奉聖旨。改知新州。當月二十六日交替。趙善傑朝散郎通判。嘉定三年五月十八日。奉聖旨知州。郭圭改知新州。趙善傑改知南雄州。六月二十六日交劄。鄒孟卿奉議郎。嘉定四年四月初二日到任。六年二月十八日。准省劄奉聖旨。改除本路提刑。五月二十六日交州事歸司。陳天宜承議郎。嘉定六年五月二十六日到任。閏九月十八日。准省劄。時暫兼權本路提刑。七年二月二十七日。正除。六月初九日歸司。劉公亮朝奉大夫。嘉定七年六月初九日到任。八年七月三十日。准省劄。改差知沅州軍州。填見闕。黃庶通直郎。嘉定八年十二月二十七日到任。十年五月內馬祠。奉聖旨。差主管建昌軍仙都觀。當年八月初六日交職事與次官。李渙朝散郎。嘉定十年十月十七日到任。十一年十月初十日致仕。孫密承議郎。嘉定十二年三月二十四日到任。九月磨勘轉朝奉郎。至嘉定十四年八月初十日替。就除行在諸軍審計。陳士會朝奉郎。嘉定十四年八月初十日到任。十五年五月二十二日。王寶恩轉朝散郎。趙汝鎬承議郎。嘉定十五年十一月二十一日到任。十

任。至嘉泰四年六月。任滿。郭周臣朝奉大夫。嘉泰四年六月初九日到

七年十一月二十二日滿任。至十二月二十四日交替。趙績朝散大夫。嘉定十七年十二月二十四日到任。寶慶二年十一月內准省。劉政差知英德府。填見闕。至寶慶三年四月十一日交替。史沂朝散大夫。寶慶三年四月十一日到任。至紹定三年十二月二十二日滿替。黃宸朝奉大夫。紹定三年十二月二十二日到任。至紹定六年四月二十日滿替。乾於當年五月准省。劉政除本路提舉。張友朝奉大夫。紹定六年四月二十日到任。至端平二年六月十五日滿替。於當年三月准告。因兼三路制參。酬賞。特轉朝請大夫。雜任。趙汝潘朝散大夫。端平二年六月十五日到任。至嘉熙元年九月初八日滿替。皇甫挺朝請大夫。嘉熙元年九月初八日到任。至嘉熙二年十一月初六日致仕。徐拱朝奉郎。嘉熙三年八月二十八日准省。劉奉聖。旨知南雄州。填見闕。至嘉熙四年月空日准省。劉與。惠存正兩易高州。惠存正武經郎。嘉熙四年月空日准省。劉與徐拱兩易知南雄州。於淳祐元年正月二十五日到任。至當年六月准省。劉回任高州。太守績題名記路志。太守題名。有碑舊矣。登載既溢。復續一碑。績之者何。績生。生不窮之仁也。夫暖焉為春。寒焉為秋。或流金燦石而夏。折膠墮指而冬。其令不同。其所以相湏而成化者一而已。循環無端。往來不息。斯天地之仁。所

以愈績而愈無窮也。二千石體九重委寄之意。權一時寬猛之宜。其事蓋

不同。其所以相湏而成化者一而已。循環無端。往來不息。斯天地之仁。所

以愈績而愈無窮也。二千石體九重委寄之意。權一時寬猛之宜。其事蓋略相似。故大君民之天地也。牧守民之四時也。政平訟理。愁嘆不作。其守之春乎。袞扇揚風。召棠永日。其守之夏乎。貪猾解印。豪黠斂手。其守之秋與冬乎。相因焉。不至於背馳。相成焉。不至於扞格。脉絡貫通。生意周浹。是又四時迭運。而六子之循環者也。以賢俾相繼之善。其用與四時周流。守之所寄。蓋偉矣。判府制叅趙先生承命出鎮。萬志愛民。陞辭之初。抗章論事。如明版籍。戢吏姦。平市貨。厚蓄積。皆固本寧邦之急務。先生此意。是直欲無一事之不便乎民。無一息之志乎民也。南雄之春。其始績績於此。若夫修城築以衛民。崇學校以養士。禁戢吏姦。獎用廉潔。則又一元之績。隨在隨布。沛乎而不可遏者也。繼自今來者。大書特書。以至於不一書而止。則始終相承。又將與時而偕行矣。天地生生之德。果何時而紀極耶。然則是碑之績。非績其名。是績其仁也。後有歷指而誦之者。曰某為民之春。某為民之夏。某為民之秋。與冬。則凡績天地之仁於不窮者。政又自績其令聞於無窮也。是碑之績。不尤偉乎。淳祐三年正月日。門生迪功郎南雄州州學教授劉木記。并書。承議郎通判南雄州軍州兼管內勸農事趙希邪篆額。承議郎知南雄州軍州兼管內勸農事借紫趙善瑀立石。趙善瑀

承議郎。淳祐二年二月二十日到任。淳祐四年四月十二日滿替。史長卿承議郎。淳祐四年四月十二日到任。當年七月十八日准尚書省劄。日陳馬祠雜任。劉揚祖朝散大夫。淳祐五年五月初一日到任。淳祐八年十月初十日致仕。徐煥朝散郎。淳祐九年七月初三日到任。淳祐十年二月初九日准尚書省劄。臣寮上言解任。趙興詡承議郎。淳祐十年七月初三日到任。十二年八月二十日受代。周申朝請郎。淳祐十二年八月二十日到任。至寶祐二年五月准省劄。奉聖旨除提舉廣南市舶。閏六月二十二日祇受吉會。二十五日解任赴司。趙若琚朝請郎。寶祐二年十月初七日到任。通判題名路志南雄。為江廣之喉襟。由東而南則東廣。由南而東則西江。舟車所會。憧憧往來。其地望甚重。若是則監州通侯。詎可闕而不置。逮我宋崇寧甲申季夏。臺閭慨請于朝。乞立通判。佐理郡事。徽宗皇帝即可其議。易僉判所領。創為通判廳事。蓋得設官分職。循名責實之義。逮今經涉凡四十有八年矣。前後德政輝映相望。其有秉心剛正。蒞事詳明。以文學顯名。以廉隅勵世。代不乏人。高勲偉績。卓然在人耳目。不可殫也。至如題名。又未立碑。叙其本末。誠為缺典。紹興己巳季春。南閩黃公丞相之後。來倅茲郡。下車之初。凡所施設。有條有理。可謂官稱其職矣。因得餘暇。會諸僚

屬。欲考往蹟。躊躇四顧。罔有知者。於是蚤夜編次。止得宣和元年以來。歷

倅茲郡。下車之初。凡所施設。有條有理。可謂官稱其職矣。因得餘暇。會諸僚

屬。欲考往蹟。躊躇四顧。罔有知者。於是蚤夜編次。止得宣和元年以來。歷任姓氏品秩。與夫到官受代歲月。計十有二員。命工刊石。立于官舍。以傳不朽。面屬寒士。作文紀實。自顧荒蕪。敢虛來命之辱哉。竊試言之。人之材智。稟於天。施為政治。有能有否。能者因之。否者革之。表裏之符也。儻其盛德大功。足為後人標準。則閩郡之民。思如召公甘棠。雖久而難忘也。始之立碑之意。正在此。而不在彼。且將告諸來者。豈徒為文具而已哉。紹興辛未仲春朔。右迪功郎錄事叅軍詹大聲序。師揚承議郎。宣和元年七月到任。陳端禮。朝奉大夫。宣和四年六月到任。何行中。朝散郎。宣和七年六月到任。竇湮。承議郎。建炎三年九月到任。宋憲。承事郎。紹興元年十一月到任。衛脫。右承議郎。紹興三年十一月到任。趙子全。左朝請郎。紹興六年三月到任。八年四月滿。鄧升。左承議郎。紹興八年四月到任。十年四月滿。陳子輝。右朝請大夫。紹興十年四月到任。十二年四月滿。張翔。左朝奉大夫。紹興十二年四月到任。十四年六月滿。魏彥模。右朝請大夫。紹興十四年六月到任。王鑄。右朝奉郎。紹興十七年二月到任。十九年三月滿。黃枉。右承議郎。紹興十九年三月到任。二十一年四月滿。李雲。右奉議郎。紹興二十一年四月到任。二十四年正月滿。李移順。右朝請郎。紹興二十四年正

月到任。盧迥右朝請郎。紹興二十六年三月到任。二十八年四月滿。陳思  
順右承議郎。紹興二十八年四月到任。二十九年六月致仕。趙伯茂左承  
議郎。紹興二十九年十月到任。三十一年十一月任滿。王聿右朝請大夫  
紹興三十二年十一月到任。隆興二年六月任滿。王翰右朝請郎。隆興二  
年六月到任。乾道二年九月任滿。孫憲文右朝請郎。乾道二年九月到任。  
四年六月初就差州事。張次高右通直郎。乾道四年十月到任。六年十一  
月滿任。林次韓右承議郎。乾道六年十一月到任。九年正月任滿。曹緯承  
議郎。乾道九年正月到任。淳熙二年四月初主管台州崇道觀。陳積仁承  
事郎。淳熙二年五月到任。朱用亨宣教郎。淳熙四年六月到任。張任奉議  
郎。淳熙六年八月二十三日到任。八年十一月十八日任滿。姜處度奉議  
郎。淳熙八年十一月十八日到任。十年三月初六日任滿。林楫奉議郎。淳  
熙十一年二月初六日到任。十二年二月二十八日任滿。劉興祖通直郎。淳  
熙十三年十二月初三日到任。十五年四月三十日任滿。蔡顥奉議郎。淳  
熙十五年四月到任。紹熙元年五月任滿。梁克俊奉議郎。紹熙元年五月  
到任。三年七月替。陳士貴通直郎。紹熙三年七月到任。五年七月替。曾慤通  
直郎。紹熙五年七月到任。慶元二年七月替。徐榕朝奉大夫。慶元二年七

月到任。四年八月替。周遵朝散郎。慶元四年八月二十五日到任。至嘉泰

五郎紹熙五年七月初到任。慶元二年七月。曾徐榕與奉大夫。慶元二年七

月到任。四年八月。曾周燧朝散郎。慶元四年八月二十五日到任。至嘉泰元年九月初五日任滿。郭邦偉朝奉郎。嘉泰元年九月初四日到任。次年准轉運司。曾權連州。十一月轉朝散郎。十二月回任。嘉泰三年十一月任滿。陳椿年承議郎。嘉泰三年十一月十三日到任。至開禧元年十二月初八日得替。當日准省劄。除知象州。填見闕。磨勘。轉朝奉郎。劉學雅承議郎。開禧元年十二月初八日到任。至次年八月二十五日致仕。張元晉朝奉郎。開禧三年四月二十五日到任。至嘉定元年七月二十五日磨勘。轉朝散郎。趙善傑朝散郎。嘉定二年五月初十日到任。三年正月。請司奉辟。二月二十七日。奉聖旨。改知新州。五月十八日。奉聖旨。改知南雄州。填見闕。涂楹。以文林郎。知南雄州。保昌縣。於嘉定三年六月二十三日。准提刑司牒。奉聖旨。選兼權通判。至五年十月二十九日。以考第舉負足。解任。赴班。孫次韶承議郎。嘉定六年七月初三日到任。七年十月初三日。奉尚書省劄。子差知南恩州。填見闕。曾準承議郎。嘉定六年七月初二日到任。至七年十月初三日。准磨勘。轉承議郎。初六日。准勅。差知廬州。滕珂承議郎。嘉定十年十月初八日到任。次年五月二十一日。承勅。差知新州。趙廣夫通直郎。嘉定十二年八月十七日到任。至嘉定十四年七月十三日。准告磨勘。

轉奉議郎。九月初二日滿。趙師儼通直郎。嘉定十四年九月初三日到任。  
木沆通直郎。嘉定十五年九月二十五日到任。至嘉定十七年閏八月二  
日。磨勘轉奉議郎。當年閏八月十二日到任。陳梓嘉定十七年十一月十  
三日到任。轉朝散郎。寶慶二年四月五日。轉朝請郎。十二月二十七日皆  
任滿。趙彥權奉議郎。端平三年七月十三日到任。至三年七月二十日  
任滿。徐拱。王逢年。趙希鄂。韓良祐。許夢齡。趙興漸。楊仲  
和。趙時舉。推官題名路志。昔人謂水泛蓮花池。風動入幕賓。英游雋  
軌。率於此寄徑。南雄自崇寧門易僉判所。領首創郡貳。而推官職守寔叢  
壘。爲元幕。闕次畫諾。郡網係焉。舊無廨宇。紹興鳩居。與西陵江門倉鄰。地  
卑隘甚。紹興三禩。黃君開請於州。移使星館爲之。因仍迄今。姓氏獨泯不  
著。可謂闕典。延平鄧君炎載稽圖牒。諏訪故老。前乎此者。歲月浸湮。自締  
今。廳事以後得一人。彪列相輝。聯屬有叙。竊惟官無高卑。苟徒然有立  
皆足以行其志。韓昌黎始爲武寧推官。晨入夜歸。鯁言無所忌。錢宣靖爲  
同州推官。決女奴殺獄。寔寬數人。書之史冊。使人稱頌。今立碑之意。非特  
備遺逸。紀名爵而已。想其人觀其政。將使異日有考云。嘉定庚辰二月朔  
宣教郎知南雄州保昌縣事傅烈記。迪功郎南雄州軍事推官鄧炎立。



宣教郎知南雄州保昌縣事傅烈記。迪功郎南雄州軍事推官鄧炎立。

黃開從政郎福州。王鼎之文林郎。紹興府。王謨從事郎。常州。嚴萬全文林郎。吉州。趙澧夫迪功郎。吉州。龔憲迪功郎。建昌軍。趙汝价從事郎。福州。

孟應從政郎。寧國府。嘉定八年二月十三日到任。至十年四月十二日離任。赴班。危俠從事郎。南劍州。嘉定十一年十二月十二日到任。至十二年

閏三月初七日離任。赴班。鄧炎迪功郎。南劍州。嘉定十三年四月二十七日到任。祝應龍儒林郎。衡州。嘉定十五年八月十九日到任。至寶慶元年

十二月十七日滿替。張旦儒林郎。福州。寶慶元年十二月十七日到任。至紹定二年三月十五日滿替。侯成大承直郎。太平州。紹定二年三月初三

日到任。至紹定五年七月十七日滿替。毛研儒林郎。虔州。紹定五年七月十七日到任。至端平二年九月二十五日滿替。趙希澂從事郎。福州。端平

二年九月二十五日到任。沈得中太平州。舒鏞儒林郎。饒州。趙希安從事郎。福州。淳祐五年十月二十一日到任。至淳祐八年十二月十六日滿。李

革老從事郎。建寧府。淳祐八年十二月十八日到任。至寶祐元年二月初十日成。四考有零。滿替。楊東仲從事郎。吉州。寶祐元年二月初十日到任。

至寶祐三年十月十一日罷。州學教授題名路志大君。天地宗子也。孰非人之子。而入使孝于其親。出使恭順于其長。是其教習屬於天地之宗子。故

設官教人。皇極大德。自鄉庠遂序之制。不見於後世。薄海內外。皆爲建學立師。未有如我宋之盛者。其於宗子之責塞矣。然則分大君之憂。而任夫人父兄之託。可不知所務乎。郡縣吏有獄訟財賦之責。簿書期會之事。一或不辦。而責隨之。爲大君養士。漫不思人之我託。而偷曰。是職闕無事也。與不省已之未修。而誣曰。是俗陋不易化也。是使其責將安歸耶。南雄自僞漢始爲郡。置學官以來。居是者不知其幾人。而名氏缺莫得詳。姑取近而可考者。鏡諸石。因書所聞。以諗來者。俾懋厥職。若夫博文而約禮。切問而近思。所以教人爲學之序。則有聖門岳訓在。嘉定十年春二月戊申朔。迪功郎南雄州州學教授李韶記。夏能之。洪勳。甘廷桂。劉邦昌。羅匯。孫瑞。郭份。江文叔。王人鑑。趙善珏。陳夢齡。朱英。俞言。曾恕。陳所得。王宗度。趙師郁。楊應。朱元龜。曾準。羅時用。朱仲河。林襲。吳昂。許之選。方霖。李韶。許彥爲。許致祥。嘉定十三年十月初八日到任。嘉定十六年十一月受代。李遇。嘉定十六年十一月到任。寶慶二年十二月受代。陳應龍。寶慶二年十二月受代。紹定元年六月丁憂。鄭唐舉。紹定元年十月二十四日到任。紹定四年十一月初三日交割。以帥漕辟而思愈。周揖。紹定四年十二月初三日。

到任。盧自明。紹定五年十二月十五日到任。端平三年四月二十日受代。

年十一月初三日交割。以帥漕餉而思食。周揖。紹定四年十二月初三日

到任。盧自明。紹定五年十二月十五日到任。端平三年四月二十日受代。  
朱正中。端平三年四月二十日到任。翁甫。嘉熙三年五月十一日到任。淳  
祐二年六月初三日受代赴班。劉木。淳祐二年六月初三日到任。淳祐五  
年六月初二日任滿。當年五月二十七日准省劄。差本路常平提幹趙沂  
孫。淳祐五年八月二十八日到任。淳祐八年四月初二日准省劄。改差本  
路經幹。當年十一月初九日受代赴新任。龔起潛。淳祐八年十一月初九日  
到任。

進士題名路志左從政郎州學教授趙善珪撰

乾道三年

夏四月。右承議郎建安黃公洧來守是邦。首念學宮之陋。甫速農隙。僦工  
輟材。命一新之。閣奉宸章。序圖從祀。拓甲開隘。益所未備。越明年三月既望。偕  
通守右朝請郎眉陽孫公憲文臨觀厥成。孫公顧謂善珪曰。南雄素號東廣  
佳郡。初實離曲江爲之。在唐有張文獻公。國朝復有余襄公。文化薰染。宗  
父益盛。聞自天聖。迄紹興初。保昌始興。登進士第者。凡三十人。寢階通顯。  
亦不下十數人。偶罹兵焚。餘三十年寥寥罕繼焉者。借曰風土有盛衰。如  
俗尚世習。其可得而移。矧今田廬日復。戶口以繁。歲修之地。庖廩之儲。自  
不謝疇昔尚矣。尤哉。蓋悉采前達名氏。刻而植之。虛其右以俟來者。因勉  
諸生。不亦可乎。善珪喜而謝曰。善珪之願也。敢不承。於是乎書。尚各惟所

撰馬績題名路志從事郎州學教授吳昌撰進士題名立之學宮示人才之所自出也。惟南雄舊隸曲江山川扶輿氣不他毓而鍾美於才。唐開元中傑然以文章勲節著名者張文獻公蓋其尤也。馥馬膏沾山暉淵媚至於國朝顧李父子二鄧兄弟相繼聯登。淺躋華顯。儒風薰郁。士類日盛。甲于嶺表。往往藝學績文。皆有師法。立身行己。一蹈準繩。雖庠序教育使然。沿波討源。所從來遠矣。乾道三年郡博士趙君善珪嘗采天聖洎紹興初。保昌始興擢進士第者凡三十人。悉哀次名氏年載甲乙為之記。而刊諸石。嗣是而題且聯翩而未艾也。記又漫漶。邑人請更之。將礮而改刻。予方任育才之責。無以辭。則為之言曰。夫鵠金石者不累日。而涵養器業。以待上之需。非朝夕積也。繼自今諸君其蚤夜孜孜。入門而仰高聖道。則曰乃所願學升堂而景慕先進。則曰有為若是。充斯以往。則本深而未茂。形大而聲宏。科第直幹事爾。異時大書屢書驗之。猶信記略矣。姑以勵來者云。開禧丁卯上元前五日記。鄧驥保昌天聖二年。宋郊榜第二甲。許致始興。天聖二年。宋郊榜第二甲。趙奎保昌。景祐元年。張唐卿榜第三甲。譚惟幾保昌。景祐五年。呂榜第四甲。鄧中立保昌。皇祐元年。馮年榜第四甲。譚侁始興。皇祐五年。鄭綸榜第五甲。顧希甫保昌。皇祐三年。鄭綸

榜第三甲。李邵保昌。嘉祐二年。章榜第三甲。鄧闢始興。嘉祐四年。劉輝

第四甲。譚旒始興。皇祐五年。鄭綱榜。第五甲。顧希甫保昌。皇祐三年。鄭綱

榜。第三甲。李邵保昌。嘉祐二年。章榜。第三甲。鄧闢始興。嘉祐四年。劉輝

榜。第五甲。鄧戒始興。嘉祐四年。劉輝榜。第五甲。許彥博始興。治平四年。許

安世榜。第三甲。致之子。收之父。鄧向始興。治平四年。許安世榜。第四甲。張

舜咨保昌。熙寧六年。余中榜。第三甲。張漸始興。熙寧九年。徐璿榜。第四甲。

李琰保昌。元豐二年。時榜。第四甲。顧袞保昌。元豐五年。榜。第五甲。

趙賜保昌。元豐八年。焦蹈榜。第三甲。丘貴保昌。元祐六年。馬清榜。第四甲。

黃幹保昌。元祐六年。馬清榜。第三甲。許安世始興。紹聖四年。何昌榜。第三

甲。陳策始興。紹聖四年。何昌榜。第五甲。鄧顯道始興。元符二年。李榜。第四

甲。譚煥始興。大觀三年。賈安宅榜。第一甲。歐陽珪保昌。大觀三年。賈安宅

榜。第二甲。許收始興。政和二年。榜。第四甲。致之孫。彥博之子。暨商俊

保昌。政和三年。何榜。第五甲。李舜臣保昌。建炎二年。榜。第四甲。鄧

孝廉始興。建炎二年。序易榜。第五甲。歐陽敦言保昌。建炎二年。序易

榜。第五甲。劉藻保昌。紹興二年。張成榜。第五甲。周愚叟保昌。淳熙八年。

白榜。第四甲。陳師愈保昌。淳熙十四年。王容榜。第五甲。周子才保昌。慶

元二年。鄧應龍榜。第五甲。鄧晞顏保昌。嘉定七年。袁甫榜。第五甲。劉亦周

保昌。嘉定十六年。蔣重珍榜。第五甲。葉振文始興。寶二年。王會龍榜。第四

甲。符之伯。李應彪。保昌。嘉定十六年。王胃。榜寶慶二年。賜第。王會。

龍榜。第四甲。陳桂。保昌。紹定二年。黃朴。榜。第四甲。師愈之姪。屈疎。保昌。

端平二年。吳叔。告榜。第四甲。李允中。保昌。淳祐元年。徐儼。榜。射射中。陸弟。

四甲。丘景明。保昌。淳祐七年。張成。榜。第四甲。必明兄。葉符。始興。淳祐十

年。方逢辰。榜。第四甲。振文。姪。龔席。珍。保昌。寶祐丙辰。文天祥。榜。第四

甲。賴濟川。保昌。開慶元年。周震炎。榜。第三甲。御射。循。修職郎。李文虎。保

昌。開慶元年。周震炎。榜。御射。陸。第四甲。丘必明。保昌。咸淳辛未。張鎮。孫。榜。

第二甲。特科。路志。特科。舊無題名。夫自一命以上。皆受之于天子。

况屢試南宮。推恩廷對。必入等。然後官之。其間懷才抱藝之士。欲行學道。

愛人之志。登仕籍。秩賓筵。宰男國之封。半刺史之任者。比肩接踵。詎可置

而弗錄。今訪問自建炎。戚君暉以下。得二十四人。書之于左。戚暉。建炎科。

持奏名。該覃恩。迪功郎。橫州司理參軍。陳嘉猷。隆興癸未科。特奏名。

該覃恩。陸等。官至承事郎。欽州通判。姚知常。癸未科。特奏名。該覃恩。陸

等。迪功郎。南恩州陽春縣令。戴覲。淳熙戊戌科。中第四等。從事郎。英德

府軍事推官。李唐卿。甲辰科。中第四等。從事郎。英德府軍事推官。陳良弼。

甲辰科。第五等。恩。歸官。至修職郎。監潭州南嶽廟。何伯達。紹熙庚戌科。

該覃恩。陸等。修職郎。德慶府端溪縣令。鄧中復。慶元丙辰科。中第四等。迪

甲辰科第五等。恩霽官至修職郎。監潭州南嶽廟。何伯達。紹熙庚戌科。

該軍恩陞等。修職郎。德慶府端溪縣令。鄧中復。慶元丙辰科。中第四等。迪功郎。梅州司戶兼錄事。朱纓。丙辰科。中第四等。迪功郎。新州司法參軍。歐

陽光。丙辰科。該軍恩陞等。從政郎。泉州防禦推官。周鵬先。丙辰科。該軍恩

與迪功郎。監潭州南嶽廟。葉珪。丙辰科。中第五等。該軍恩與迪功郎。監潭

州南嶽廟。馮邦懷。慶元己未科。中第四等。從事郎。廣州節度推官。李無雙

己未科。該軍恩陞等。文林郎。昌化軍僉判。朱宗愈。己未科。該軍恩陞等。從

政郎。廣州司理參軍。黃鑿。己未科。該軍恩陞等。迪功郎。新州新興縣主簿。

丘如嵩。嘉泰壬戌科。中第四等。迪功郎。涪州尋事參軍。何西傑。開禧乙丑

科。中第三等。從政郎。新欽州軍事推官。鄧鵬飛。乙丑科。中第三等。迪功郎。

象州防禦推官。李璿。乙丑科。中第四等。迪功郎。橫州軍事推官。李九齡。乙

丑科。中第四等。初授宜州文學。李用之。嘉定戊辰科。中第四等。迪功郎。宜

州節度推官。李之用。甲戌科。中第四等。迪功郎。德慶府瀧水簿尉。陳言。丁

丑科。射試及格。迪功郎。監潭州南嶽廟。黃永年。嘉定丁丑科。中第四等。迪

功郎。廣州增城縣主簿。周子質。庚辰科。中第一等。補登仕郎。歐陽三英。庚

辰科。中第四等。初授邵州文學。陳叔秀。庚辰科。中第五等。廷射合格。迪功

郎。監潭州南嶽廟。孔紹祖。庚辰科。中第五等。廷射合格。迪功郎。監潭州南

嶽廟。葉牧卿癸未科。中第四等。初授昌州文學。吳伊克庚辰射中。該監嶽不授。遇恩初授惠州文學。周子固嘉定十七年。該遇登極赦恩。准初授忠州文學。黃桂嘉定十七年。該遇登極赦恩。准初授忠州文學。劉密丙戌科中第五等。遇恩授迪功郎。監潭州南嶽廟。陳安策嘉定癸未廷試。准初授忠州文學。朱晞父纓之子。紹定二年。終榜從事郎。初任臨江軍新喻縣尉。劉人傑紹定三年。終榜從事郎。初任信州弋陽縣尉。鄧汝爲紹定己丑。終榜。遇慶典恩。從事郎。初任靜江府陽朔縣主簿。戚三鳳紹定二年。終榜。該遇慶典恩。從事郎。初任新州司法。戴履紹興五年。壬辰。中第四等。御射四分。初授永州文學。劉應龍紹興五年。壬辰。中第四等。初授永州文學。譚文蔚端平乙未。王聲叔榜。第四等。初授高州文學。黃夢清端平乙未。王聲叔榜。第四等。初授高州文學。陳國計端平乙未。王聲叔榜。第五等。以御射入中第。授迪功郎。注應格監廟。鍾振文嘉熙戊戌。王宗合榜。第三等。初授吉州文學。集英殿試。射中等第一人。葉正卿嘉熙戊戌。王宗合榜。第四等。初授靖州文學。陳德英淳祐辛丑。吳必達榜。第五等。以御射入中等。劉登父淳祐四年。甲辰。魏榜。第四等。初授宜州文學。李應明淳祐七年。丁未。榜。第四等。初授昭州文學。戴克龍淳祐十年。庚戌。張一清榜。第三等。

初授衢州文學。蕭青夫淳祐十年。庚戌。張一清榜。第三等。初授衢州文學。



榜第四等。初授昭州文學。戴堯龍。淳祐十年庚戌。張一清榜第三等。

初授衢州文學。蕭靖夫。淳祐十年庚戌。張一清榜第三等。初授衢州文學。應龍之叔。光大之父。蔣日卿。寶祐丙辰。袁榜。初授貴州文學。吳虎臣。開慶元年。林濟孫榜第四等。准初授容州文學。李子淵。開慶己未。林榜第四等。準初授容州文學。鄧拱辰。開慶己未。林榜。初授容州文學。郭大信。開慶己未。林榜。初授容州文學。張賡。開慶己未。林榜。初授容州文學。譚應雷。甲子科。該。覃恩。迪功郎。韶州翁源縣主學。陳良策。咸淳戊辰。龍飛。周榜乙科。初注。迪功郎。德慶府泮水縣尉。魚主簿。言之孫。蕭光大。咸淳戊辰。中第四等。周三異榜。迪功郎。新差韶州翁源縣主學。應龍之弟。靖夫之子。朱廷直。咸淳戊辰。周榜。初授州文學。李朝用。咸淳戊辰。周榜。初授容州文學。御射入中等。丘自明。咸淳七年。吳清伯榜第四等。初授容州文學。蕭應龍。咸淳甲戌。類試入等。榜首。袁易。迪功郎。新廣州香山縣主學。靖夫之姪。光大之兄。南選路志。四川。二廣。皆遠方也。自祖宗立國之初。首加優異之恩。在四川。則有類試恩例。二廣。則有攝官恩例。蓋二廣之法。應兩舉士人。方許試攝官。第一場試律義。第二場試時義。第三第四第五場。並試斷案。初試中攝官。號曰額外。先歷一任重難。即試待次。既中待次。即補正額。自入正額。實歷四考。然後漕司解發赴吏部。換授正命。迪功郎。却作經使。歷任人注。

授窠闕。向者多有改秩。官至朝奉郎。恩澤奏蔭子孫。粵自近制。立定格法。止於承議郎。餘轉不行。且二廣攝官。亦士人捷徑。而本州或累請舉。而不屑就。故自宣和以來。至今百有餘年。其為攝官者。不過十餘人而已。今列姓名于后。葉如璋。宣和五年試中攝官。解發。授正命。官至承議郎。韶州通判。袁立。甲申年試中攝官。後恩。授。官至承事郎。宜州通判。周廷輔。甲申年試中攝官。監廣州橫江場稅。譚說。甲申年試中攝官。監韶州洲頭場稅。徐安止。己丑年試中攝官。授迪功郎。梅州程鄉縣尉。郭唐臣。己丑年試中攝官。監廣州橫江場稅。曾灝。丙申年試中攝官。監新州新安鎮稅。歐陽端友。甲辰年試中攝官。後授。授正命。從政郎。海州單事推官。鄧昌朝。甲辰年試中攝官。監廣州太平場稅。李曼。癸酉年試中攝官。已補正額。監連州同官場稅。陳桂。癸酉年試中攝官。已補正額。監循州長樂縣稅。陳諫。乙亥年試中攝官。監南恩州陽春縣稅。

永樂大典卷之六百六十五

永樂大典卷之六百六十六 一東

雄

南雄府三

人物

路志越產人材。雖不多見。然見者必皆傑異。唐柳子厚謂南方陽德炳耀。獨發於紛葩環麗。而罕鍾乎人。豈知不世之材。炳靈毓粹。天地間者。豈常有哉。善乎歐陽文忠公之銘有曰。始興開國。襲美于前。兩賢相望。三百年間。無亦嘉嘆。南方人材。卓犖環異者。間世而一見耳。本郡接湖湘清淑之氣。沿江西文雅之風。山水明秀。英才輩出。自張曲江爲唐名相。古今所共稱。厥後雖未能企及。然顧許之父子。李鄧之兄弟。繼登科第。寢階通顯。譚氏由世官。而應入行之科。鄧氏以書生。而平數郡之盜。其餘德行。言語文章。政事。肩摩袂屬。至今猶未已。姑取其翹楚者載之。宋王世顯。圖經志。宣靖護宋高宗南渡。與金將粘罕戰。有確山之捷。紀功。紹興二十年。執政陳康伯保奏。世顯承襲。授武經大夫。嶺南安撫使。王方圖。經志。提刑李昂英。保任迪。功郎。江西提刑司計議。王介圖。經志。寧宗時。峒寇剽掠村鄉。

通城下遂奮身當先。以功奏准武德將軍。御題旗賜云。海外四州都安撫使。許彥先圖經志學究出身。廣東運使。深明易學。尤工書大字。南華曹溪二大字。曲江張相國祠額。南雄州講堂。皆許公書。元麥文貴圖經志中奉大夫某賢學士。與修遵金宋史鐵杖後。陳桂承務郎。吉安路推官。除豪強。蕭恕齋有政聲。馮應之元一統志南雄州進士。以上書攻宰相蔡京。誤國罪惡。京怒。勒之黨籍。吳元美輿地紀勝任福建安撫司幹官。坐作夏二子賦譏時宰。又元美家有潛光亭。商隱堂。鄭晦併作啓事上檜云。亭號潛光。蓋有心於黨李。堂名商隱。本無意於事秦。遷南雄州以死。

貢士

邵縣志陳良策 龔席珍 劉時遇 陳賢良 勞翼禹 孔震雷 蕭

煥 屈雷沓 龔光祖 李居謙 蕭原佐 鄧暹 葉敬益 譚自勉

周夢詒 李謙吉 鍾廷郁 鄧應新

進士

唐孔閏圖經志少聰敏嗜學。年十九。唐景福初及第。官至朝散大夫。袁州司牧。

僊釋

劉許二仙輿地紀勝圖經云。有二仙壇。有劉許二仙烹煉於此。壇側有仙

劉許二仙與地紀勝圖經云有二仙壇有劉許二仙烹煉於此壇側有仙茅葛仙翁圖經云曾煉丹於玲瓏巖六祖大監禪師在城北八十里大庾嶺六祖塔前接圖經云六師大鑿禪師自黃梅傳衣鉢之曹溪五百大衆相逐至大庾嶺取五祖所傳衣鉢回大衆又立告謁者半祖師手拈錫杖點石眼寒泉遂湧清冷甘美大衆驚駭迄今滋灌霑霑傳大士雲遊至連城寺有洗鉢泉

文章

碑記與地紀勝張九齡開大庾嶺記在大庾嶺上唐元傑開東嶺洞谷銘唐詩紀事云元傑有洧陽果業寺開東嶺洞谷銘并序云保昌志教授曾恕序唐修路銘唐給事中蘇侁撰修大庾嶺奏本朝廣向東路蔡杭奏四并堂記并箴太守潘俠新修推官張瑱記道院記太守李俠新修黃匪別記詩與地紀勝行舟傍越峯窈窕越溪深水暗先秋冷山晴當晝陰重林間五色對石聳千尋張九齡止陽峽漢初開郡出南夷萬壑千巖足嶮巖天上斗牛應共域人間江嶺自分岐尉佗推髻遺風俗馬援飛齋墮水時齊唐南雄城樓凌江清淺遠城樓庾嶺南邊第一州惟有梅花傳遠信只憑萱草緩離憂章得象一麾遠在百蠻中向上青草瘴深盧橘

熟黃梅雨歇荔枝紅。同上只見萬山連瘴海。不知何處是長安。百蠻梯盡來重譯。千古輸摧恨七盤。同上爲要澄清歸治道。不辭艱險表忠誠。余靖題度嶺北取樓嶠嶺古來稱絕徼。梯山從此識通津。余靖題度嶺過越亭嶺分東粵封疆闊。天限中原氣象雄。李公寅望遠亭地枕凌江渾水遠。詹前度嶺半雲埋。黎侯望遠亭今日平安出嶺時。瘴氛猶覺潤征衣。一條路入江南去。萬里人從海上歸。程師孟兩州南北護梅關。盡日人行石壁間。章穎英江今日掌刑回。上得梅山不見梅。輟俸買將三十本。清香留在雪中開。嶺上有寺。有婦人題云。妾幼侍父。任英州司寇。既代歸。以大庾有梅嶺之名。而反無梅。遂植三十株于道。因題詩壁間云云。婦人不知何時人也。見南安志。折梅逢驛使。寄與嶺頭人。江南無所有。聊贈一枝春。荊州記云。吳陸凱與范曄相善。自江南寄梅花一枝。詣長安與曄。并贈詩云。大庾嶺上梅南枝落。北枝開。白氏六帖。魚躍元無溪面凍。雪光散作嶺頭梅。郭祥正唯有梅花報春早。雪中傳信過江干。章得象望安亭四六。度嶺第一之州。孰膺遴選。海內寡二之畧。宜屬大才。余崇龜賀南華州孔武。惟凌水之名區。號廣南之道院。典刑猶在。乃章郇公舊治之邦。詩禮相承。亦張相國始生之地。同上維凌江之爲郡。有內地之遺風。堂號景邨。蓮屨

門於呈瑞嶺輸大庾梅可助於賦詩。同上。卷始興之列。襄實東廣之要區。

門於呈瑞。嶺踰大庾。梅可助於賦詩。同上。眷始興之列壤。實東廣之要區。事迹楚越之交。實惟襟要。黃匪躬道院記。榮分漢竹。來訪嶺梅。斗牛共域。江嶺分歧。章郇公舊治之邦。尚存善政。張相國始生之地。可想高風。度嶺而南。尚接中州之美俗。浮江而下。實爲東廣之上游。

雜文

唐開大庾嶺碑圖經志先天二載。龍集癸丑。我皇帝御宇之明年也。理內及外。窮幽極遠。日月普燭。舟車運行。無不求其所寧。易其所弊者也。嶺求廢路。人苦峻極。行徑黃綠。數里重林之表。飛梁業業。千丈層崖之半。顛躋用惕。巉絕其元。故以載則曾不容軌。以運則負之以背。而海外諸國。日以通商。齒革羽毛之殷。魚鹽蜃蛤之利。上足以備府庫之用。下足以贍江淮之需。况越人綿力薄材。夫負妻戴。勞亦久矣。不虞一朝而見恤者也。不有聖政。其何以臻茲乎。開元四載。十有一月。俾臣左拾道內供奉張九齡。飲水載懷。執藝是度。緣磴道披灌叢。相其山谷之宜。革其坂險之故。歲已農隙。人斯子來。役匪逾時。成者不日則已。坦坦而方五軌。闐闐而走四通。轉輸以之。代勞高深爲之。失險於是乎。聽耳貫胸之類。殊琛絕賁之人。有宿有息。如京如坻。寧與夫越裳白雉之時。尉佗翠鳥之獻。語重九譯。數上千

雙若斯而已哉。凡趨徒役者聚而議曰：慮始者功百而變常樂成者利十而易業。一隅何幸。二者盡就。况啓而未通。邇而未育。斯事之盛。皆有國家仁澤滂沛。遠絕垠脊。洎古所不及見。寧可默而無述也。蓋刊石立紀。以貽來裔。是以追之琢之。樹之不朽。銘曰：石巖巍兮山崖崖。嶽峯崖兮相巖。虧槎岬兮莽芊芊。噫。茲路兮不記年。大聖作兮萬物覩。惠吾人兮道復古。使斯來兮力其成。石既攻兮山可平。懷荒服兮走上京。通萬商兮重九譯。車也軌兮馬齊跡。招孔翠兮來齒革。伊使臣之光兮。將永永而無斃。給事中蘇侁撰。宋張文獻公碑。圖經志。唐丞相始興縣伯贈司徒張文獻公。有祠南雄州學。甫謹按圖誌。公生于今州之始興縣清化鄉。縣有丞相戶。公子孫在焉。十世孫唐輔。元祐間嘗貴矣。唐無雄州。始興隸于曲江。故天下謂公曲江公云。祠在講堂之東偏。褊且狹。有象古甚始敝。甫至拜祠。瞻像退嘆曰：非所以嚴公也。與學子謀闢公稍廣之。命工更摹公像以事。而積其故。既奉乃奠。諗于衆曰：公忠于君。孝于親。其教化在人心。功烈在史策。亡以紀為也。然人可學而能也。其不可學而能者何也。識安祿山必反。請誅之以絕患也。此公之天資有過人者。故能前天下而獨知也乎。唐有國三百年。自高祖太宗創造。六傳而至明皇。開元天寶之際。其盛極矣。



漁陽發難。海內糜起。蜩螳沸羹。迄唐亡天下。不一日釋兵以媿。其民人父子夫婦不相保其家室。鬼神不得歆其粢盛。牲幣其悲愁悲痛之積。可勝說哉。明皇帝不以一胡人首易天下。豈非其程德彰聞之驗。而天欲泰祿山以啄唐社乎。雖公其若之何哉。自古儒人之衛世。其投機也微。而契效遠。智者畏。愚者忽也。不幸如公言而不用。既已天下受其明患。極害。然後拊應頓足。悔恨而追思之。幸而用。則人不過曰。勸唐室誅一胡雛耳。何足載哉。亦孰知治亂得失之所終歸。重若彼哉。因是知儒者以一言福生民。利後世者。固有以世猶以儒言爲狂爲鬱。爲不並事情。此甫之所以重嘆也。甫來典教是邦。獲奉公之祀。而親公之遺風。故樂爲此邦之人。道公故嗚呼。洙泗之澤。自周更秦。以迄楚漢。猶不斬。惟公之烈。去之五百歲。而若存。學者可不勉乎哉。居于家。而父母稱其孝。仕於國。而人稱其忠。行乎四方。而士望其容貌。而知其爲公之邦人也。是今日作祠之意。嘉熙三年七月辛未。文林郎南雄州學教授翁甫記。築城記。圖經志。開寶三年。王師克劉瓌。嶺外之民。始被聖化。距今八十四年。自髻髻至白首。阜安生息。不識戰鬪。凡東西二部。總四十有五州。惟廣桂邕號爲大府。略有城池之險。他皆闕如。間有亦庠酒。摧剝不足以爲固。蓋國家承平日久。四方弛武備。慮

遠者或欲豫爲之防。而俗好議論。往往以爲生事而動搖。故所在守長不敢議改作。循習故嘗而已。皇祐四年夏五月。蠻人陷邕管疆場。會帥非其人。斥候警備不一。故賊至城下而不知。遂殺掠吏民。乘銳而東。破潯江九郡。入廣攻城不能拔。引而還邕。時旁近郡悉集境內丁壯以爲捍衛。南雄守殿中丞蕭侯渤議乘衆力治舊城而大之。或曰兵興民力方騷。又從而倡役。如重困何。蕭侯曰。此豈得已而爲。以賊乘吾無備而來。諸州之所以殘。廣之所以獨完。利害在目前。較然明白。柰何尚循覆轍之軌乎。乃上其事。就擇吏之幹者軍事推官張處中。專薦其役。未幾有詔。諸州而南。雄之工率先稱辦。其規模高廣宏偉。又推甲馬。初賊之起也。所過民間皆畜始盡。父母妻子流散不相保。是役也。民知可恃而安。無不奔走奮勵。樂勸其力。自冬十月至明年春二月。城成。廣袤六千八百六十尺。下厚四十五尺。上殺二之一。崇二十五尺。加女牆六尺。用人之力一百八十萬。表以堅甃。環以深溝。直南立正門。冠以麗譙。衛以甕城。東西二門如之。環城縱出樓櫓相望。而城隅之制尤特壯觀。凡爲屋方圓大小五十四區。亡慮二百六十楹。其他守械纖悉稱是。屹然而高。隱然而方。其堅足以禦。大足以容。崔嵬杳窳。回抱連屬。與四面雲山勢勝相高下。雖有梯衝鉤援。曰能侵軼者。

吾未之信也。嗚呼。天下之事。患嘗伏於隱微。不制於未然。及其已然。方駭

吾未之信也。嗚呼！天下之事，患嘗伏於隱微，不制於未然，及其已然，方駭而圖之，其可濟乎？傅曰：備豫不虞，國之善經。兵法亦曰：無恃彼之不來，恃吾有待之。皆古聖賢幾事之先慮，患之深，蕭侯之心，適達於此，其為政也，精敏過人，不悅於劇，有利於國，與民勇於必為，故其舉事無不中節焉。先是城之始謀也，工築未興，而蕭侯代去，安撫經制，賊盜使入境，父老遮道泣且言曰：州密邇賊境，而民方安於其政也，願借留以畢其事，使者條其狀以聞，褒詔從之，故城之經度，指顧本末，專一而至于大備焉。夫作大役，而人不以為勞，所以翰蕃王室，保障吾民於無窮，其惠利之博，可遽數哉？寶臣代罪於此，蕭侯修治歲月，以書其實云。時皇祐五年六月，日大常博士前知端州軍事丁寶臣記。張文獻公宋十大夫二祠記。圖經志繪像立祠，思賢也。立祠於學，風厲後人也。夫天之生賢，固不數，而謂之賢者，必孝於事親，忠於事君，臨大節而不可奪，朝廷以為輕重，天下繫其安危，雖其人已歿，其事寢久，聞其名，想其人，百世之下，如將見之，則夫扶持正論，興起人心，捨斯人吾將安仰？粵惟有唐，丞相文獻公，生於始興之律水，始隸曲江，公先封始興伯，開元後，天下稱曲江公而不名，律水在始興邑之南，其地石峭水清，風氣爽豁，意公鍾山川之秀，風度醞藉，故以文章勲節。

著名膏馥沾溉。氣類感召。至於我宋。是邑人才輩出。許致許牧。椿桂同芳。鄧戒。鄧闢。萼相映。譚煥。以八行居甲科。鄧酢。由萬言至秘閣。躋華顯而登仕版者。有十大夫之稱。同時還鄉。閭里榮之。雖庠序教育使然。亦遺風餘烈所及。有如文獻公之文章勲業。載在史冊。有如青天白日。人皆知之。是祠之立。姑叙其尤大彰明者。公七歲能屬文。十三以書干王方慶。已有致遠之稱。應道侔伊呂科。授左拾遺。坐相張燕公薦之。可備顧問。尋遷中書。以母喪居制。不勝哀毀。孝誠所格。紫芝產坐側。白鶴巢墓木。天子思得賢相。奪哀拜同平章事。自是言論不絕。抑守珪之濫賞。罷僊客之實封。察胡雛之逆相。犯顏逆耳。不避權要。雖貶謫於外。以文史自娛。未始戚戚。嬰望。迨漁陽之變。天子在蜀。思公之忠。為之泣下。遣使祭於韶。厚幣恤其家。已噬臍矣。嗚呼。公之誠孝。可以動天地。精忠。可以貫日月。奈何朝有指鹿之姦。國棄嬰麟之士。卒抱逢干之忠於地下。良可悲也。曲江與南雄俱有祠。而始興縣闕而不立。已卯之春。今佐詣學。與職事諸生語曰。昔文翁守蜀。吏民為之立祠。自是蜀人多好文雅。韓文公謫守潮陽。潮人師事之。至今文風為之愈盛。况文獻公生於是邦。而十大夫皆先達名士。可不繪像立祠。而使後人起敬起慕耶。於是合辭稱善。邑宰趙侯彥偃。首為之倡。庚繼

贊其事。職事陳南翼。各任責宣力。由是鄉老聞而作興。父慶其子長。勵其

福而使後人起敬起慕耶於是合辭稱善邑宰趙侯考偃首為之信庚繼

贊其事職事陳南翼各任責宣力由是鄉老聞而作興父慶其子長勵其  
幼聚金鳩財乃相講堂之東偏為文獻祠於右為十大夫祠不閱月而已  
貌像丹青儼然山立凡筵陳列高下有序遷豆既嘉衿佩翼趨合以燕饗  
來觀濟濟莫不慨遺風而願學焉嗚呼自唐至宋寥寥千百載是邑豈無  
令佐之賢鄉曲之英奉祠致敬而慙慙至于今日若趙侯可謂知所先務  
其用心賢矣哉今既落成職事諸生來言願刻諸石屬庚為記屢辭不獲  
已採摭公之行事書于前矣然趙侯勉勵諸生之心迨不止是也昔陽城  
為國子司業引諸生而告之曰凡學者所以學為忠孝也諸生肄業學校  
平日講明論辯無非有用之學豈特工於言詞章句之末哉要必有以為  
之本者夫子曰事親孝故忠可移於君而禮經亦曰忠臣以事其君孝子  
以事其親其本一也司業與文獻俱以忠孝立身卒為唐之名臣能因是  
而考二公之行事究二公之用心好學力行期無愧於為子與臣之節與  
時彈冠王朝直節凜凜開元遺範軌跡可遵乃趙侯立祠之本意併書以  
勉後人云嘉定己卯裝賓月朔迪功郎南雄始興縣尉兼主簿張庚撰  
四先生祠堂記圖經志寶慶三年五月南雄州始立周子二程子朱子之  
祠于學教授三山陳應龍以書屬建人真德秀為之記德秀曰四先生之

道高矣美矣。抑德秀之愚未能闡其藩也。將何辭以記之。雖然。昔嘗聞其略矣。道之大原出於天。其用在天下。其傳在聖賢。此子思之中庸所以有性道教之別也。蓋性者智愚所同得。道者古今所共由。而明道闡教以覺斯人。則非聖賢莫能與。故自堯舜至於孔子。率五百歲而聖人出。孔子既沒。曾子子思與鄒孟氏。復先後而推明之。而百有餘歲之間。聖三賢更相授受。然後堯舜禹湯文武周公之所以闡天常立人紀者。繫焉昭陳。垂示罔極。然則天之生聖賢也。夫豈苟然哉。不幸戰國嬴秦以後。學術渙散。無所統盟。雖以董相韓文公之賢。相望于漢唐。而於淵源之正。體用之全。猶有未究其極者。故僅能著衛道之功於一時。而無以任傳道之責於萬世。天啓聖朝。文治休洽。於是天禧明道以來。迄于中興之世。大儒繼出。以主張斯文爲已任。蓋孔孟之道。至周子而復明。周子之道。至二程子而益明。二程之道。至朱子而大明。其視曾子子思鄒孟氏之傳。若合符耶。豈人所能爲也哉。天也。然四先生之學。豈若世之立竒見。尚新說。求出乎前人所未及耶。凡亦因乎天而已。蓋自荀揚氏以善惡混爲性。而不知天命之本然。老莊氏以虛無爲道。而不知天理之至實。佛氏以剗滅彝倫爲教。而不知天叙之不可易。周子生乎絕學之後。乃獨深探本源。闡發幽秘。二程子見而

知之。朱子又聞而知之。述作相承。本末俱備。自是人知性不外乎仁義禮

叙之不可易。周子生平絕學之後，乃獨深探本源，闡發幽秘。二程子見而

知之。朱子又聞而知之。述作相承，本末俱備。自是人知性不外乎仁義禮智，而惡與混非性也。道不離乎日用事物，而虛無非道也。教必本於君臣父子夫婦昆弟，而刻滅彝倫非教也。闡聖學之戶庭，祛世人之矇瞶，千載相傳之正統，其不在茲乎。嗚呼！天之幸斯文也，其亦至矣。南雄為郡，邈在嶠南。士習視中州，號稱近厚。迪之以至正之學，必將有倪焉。自力者，然陳君之所望於學者，果馬屬耶。天之命我，萬善俱全。一毫有虧，是曠天職。昔之君子，凜凜焉淵冰，效世弗懈者，凡以全吾所受焉耳。嗟後之世，何其與古戾也。利欲之風，深入肺腑，禮義之習，自為闕迂。已之良貴，棄置如弁髦。而軒裳外物，則決性命以求之，弗舍也。吁！是可謂之大惑乎。志於道者，其將奚所用力乎。緬觀往昔，百聖相傳，敬之一言，實其心法。蓋天下之理，惟中為至正，惟誠為至極。然敬所以中，不敬則無中也。敬而後能誠，非敬則無以為誠也。氣之決驟，軼於奔駟，敬則其銜轡也。情之橫放，甚於潰川，敬則其隄防也。故周子主靜之言，程子主一之訓，皆其為人最切者。而子朱子又丁寧反復之。學者儻於是而知勉焉，思慮於未萌，必戒必懼，事物既接，必恭必欽，動靜相因，無少間斷，則天德全而人欲泯。大本之所以立，達道之所以行，其不由此歟。陳君幸以為然，則願以此刻于祠之壁，為學

者觀省之助。若夫誦其言而不反諸躬。惟其名之趨。而匪實之踐。是豈四先生立教之意哉。又豈陳君所望於南邦之士者哉。七月朔日。西山真德秀記。梁侯祠堂記。圖經志。嘉定二年冬。提點刑獄廖公德明。循行南雄州。謂知州事郭公圭。通判州事趙公善。俛曰。梁將死於賊。忠壯可尚。蓋於州之大黃園築屋以祠之。給錢五萬。通判公董其事。越三年春落成。先是峒賊出沒江湖間。聲播東廣。州抵南安。近南安抵峒。亦近州以固吾圉。請詢究伊始。調度方嚴。梁奉提刑公檄。提軍先來州。遣之柵大黃。時未有警急也。賊驟犯境。梁與賊遇。賊幾千人。而梁軍五十人。衆寡莫絕。梁以孤身居兵間。顧其軍曰。若何。又曰。見賊不殺何爲。又曰。當共以死報國。軍未之應。則又曰。摧鋒軍可退師耶。軍奮而從之。賊聞而憚之。凶暴無賴。竟逆我師。踴躍爭前。勁矢所及。所戮不可計。既聞戰。乃不競。援救者後一日。梁遂歿。軍之死事者十九人。方戰時。旗幟奔飛。鉦鼓叫譟。憤心怒氣。響震林谷。古之所謂張空拳。冒白刃。北向爭死敵者。賊雖僥倖。而震怖出其口。驚懼入其懷。數日間遁而去。州以無事。厥後祇園珠之捷。周田之捷。其機皆自梁發之。賊語曰。南雄死關。不可當也。壯南雄氣。生南雄膽。人人從史。賊勢自衰。覽遺迹。以慨然。惜九原之不可作。且有泣下沾襟者。天下之事。固有

迹。似不快人意。而其實乃大強人意。嗟夫人各有一死。或與山嶽並峙。或



自慕覽遺迹以慨然惜九原之不可作且有泣下沾襟者天下之事固有

迹似不快人意而其實乃大彊人意嗟夫人各有一死或與山嶽並峙或與草木同腐皆其晝裁如何耳賊寧獨不死耶臭穢腥臊怙終賊刑死生堪羞者也惴惴焉苟視息於人間世則曰貪生厭厭然如九泉下人則曰偷生孰尊吾君孰揚厥名趨死如歸為訓為式惟以我治賊為急惟以一敵百為念鬼神在側惡知其他不然計較勝負顧忌存亡利害縈纏有忝乎所生矣昔者韓文公書張巡許遠事而曰以千百就盡之卒戰百萬日滋之師蔽遮江淮沮撓其勢天下之幸誰之力歟乃今考諸梁而信使梁徘徊觀望若保首領不過一妄庸人耳死而其彌彰其所摧敗亦足以暴耀一時矣提刑公以儒生總制戎旅知人明任使當能得士之死力此其一也褒勞軫惻形之酌辭保任激勸具之奏牘上棟下宇百世烝嘗之以安其靈死事者環列左右賞功旌善真有古風祠側有僧舍山水拱挹可觀梁名滿進義副尉韶州人舟護其柩歸歲矣匪朝伊名詔從天來榮光休渥施及存歿尚有以問士論者樞參軍是州目擊之承通判公之命記之通判公精忠許國長才佐州克有成功歌謹載道稱部使者意於梁尤惓惓也樞既記其實又為梁作悲歌相詞者焉提刑公之酌辭且刻于桂歌曰突兀孤忠兮凌霜日芬芳令名兮傳金石所遇雖小兮所施固極山

川有相兮新祠奕奕。春秋匪懈兮享祀不忒。馨香在德兮奠穢掃迹。皇皇神師兮下擊賊。凜凜厲鬼兮上報國。有命自天兮光廟食。迪功郎南雄州司法叅軍黃樞撰。忠孝祠記。圖經志嘉定己巳庚午間。江西峒寇猖獗。數來犯南雄境。郡守宗簿趙侯善僕。銳以卻賊自任。親提兵督戰。至城東北二十五里之沙水。其子監廟汝振。州司法叅軍黃公樞。實從兵敗。二人皆死賊手。一時諸將奮不顧身。或先或後。力戰歿于陣者亦衆。其特顯者如摧鋒梁准。備滿之於柯木。切摧鋒彭准。備添之於火邊。摧鋒蕭統領輝。摧鋒副將陳承信。澄之於沙水。左翼統領揚武翼世雄。左翼蕭副將焦之於白雲。是皆身不幸以歿。其所摧破不翅僅足相當。賊因是大懲。創率挫手相戒。勿易此南雄。人誰不死。死而益於世。凜凜有生氣矣。廟以忠孝名。實創於趙侯時。其地則報本寺之後。距今二十餘年。竟以頽毀。莽爲瓦礫之場。乃不知自何時。遽塑像於寺。左廡下一室。稱甚。無以壯觀瞻。然古制差可托以久者。推諸將姓名。漸不可考。無以傳遠。又司法黃公像。獨附在聖妃廟之廡下。於理亦未順。大抵歲月逝遷。風聲湮沒。旌忠表孝。寔無其人。誰能興念已死者。琳間嘗道其事於今。郡侯黃公惻然愍傷之。並欲復廟。而陰陽家有言。歲不利於廟者。公則謂琳記其事。俾死者姓名不遂泯歿。祠

則因舊所稍遷。而石更加設。師以光明之。且多司去黃公像于此。燕若忠

陰陽家有言歲不利於廟者。公且謂琳記其事。俾死者姓名不遂泯。殆補

則因舊所稍遷。而石更加設飾以光明之。且移司法黃公像于此。庶若忠  
若孝。以類相從。琳初謂秉彝好德。人心所同。世有言忠臣孝子。徇義忘軀。  
奇偉倜儻之節。則人人爲之感激流涕。無問平生識也。此邦之士。有爲琳  
言。方摧鋒梁。準備以戰歿。提刑廖公德明。並自韶馳至南雄。親撫其棺而  
哭之。且謂君嘗以死許我。而今真死矣。至今聞此語者。猶爲之酸楚。淚落  
如雨。是知忠義激烈之事。夫人所同喜。惟事久歲遷。無人表挈而發揮之。  
則聲光幽黯。忠魂義魄。鬱鬱抱恨於九原下者多矣。黃公以事闡激勸。故  
汲汲乎勇爲。是舉非侈事。力有餘。百爲具興。以文飾太平者之比。公名處  
家世三山人。其有德於此邦。將百世不泯。後來者其當自知之。程琳記重  
修凌連二陂。記圖經志。天下之事。成於有所思。廢於所不經意。方生民未  
識於耕種。而洪水有昏墊之憂。聖賢當斯時。欲使民無阻。下有莫居之  
樂。亦已難矣。自禹稷思天下之飢溺由已。而蒸民乃粒。九河既道。故其功  
用。萬世永賴。大哉思乎。周公思無三王。孟子之思濟斯民。皆是思也。後世  
君子設心措慮。與古人異。平居誦說。無非澤民之事。一旦臨政。自相背馳。  
節尉傳說。過客謹期。會奉上官。鈞致名譽。而其思乃出是。至於興利除害。  
曰。吾所慮財賦之不足於用。舍是違恤其他。樂苟且以犯罪戾。務因循以

度歲月而謂一念之在民無有也。南雄郡治迫嶺下視二廣未深入。地據上流。田有肥瘠。民力農作。歲小熟則粒米足食。境所恃以為安。所患者陂堰之不修。水利之不廣耳。近城十五里曰凌陂。去城二十餘里曰連陂。千百頃畝皆藉此灌溉之利。然所以得名者。後人思其創始之功。而以其姓紀之。苟為政者。思所以利乎民。舍是無先焉者。惜乎歲月寢久。荒湮不治。民之力既不能以獨舉。而問民疾苦者。又視為具文。於是千金之隄。潰於蟻穴矣。嘉定八年冬。三山黃公庶。以左符開府。首訪民間疾病。或有以二陂久廢言者。公慨然念之。次年春。邵農近郊屏導從。率僚屬步至凌陂。相觀地宜。首議興築。擇僚屬之公其心。銳於事者。得保昌主簿趙君汝宛。俾董其役。公勸課有程。賞罰有信。時一親往蒞之。遷之於舊基之上。長三十丈。規模深垆廣固。皆公指授方略。鑿民田三百一十九丈。有畸。為梁以導水。給官田之近者以償之。十年五月。凌陂告成。公復語趙君曰。予首念民愁歎。無汝爾之異。連陂亦吾民利。其可忽然忘情乎。况興作之費。已成者可復也。因民之餘力。使二役並舉。為一方永久之利。趙君之令。不急不迫。而後連陂成。土費視凌陂差簡。而為利則均。適公力上祠。請邦人去思。真有琴轅卧轍之意。一旦至于趙公之庭。請記其事。以傳不朽。趙君曰。予首未

從今斯者。可以言於後。繼而未皇也。是年秋九月。黃亮以常平使者。檄

琴車目睛之意一旦至于趙公之庭請記其事以傳不朽趙君曰予首末

從於斯者將何以信於後。避而未遑也。是年秋九月。寅亮以常平使者。檄來。覈其實。遂與趙君周旋於二陂間。邦人擁于馬首而言曰。二陂之利。皆所目覩。公利民之意。其可沒諸。而况奉外臺命。周行其地。非如他傳聞比。紀以豐碑。以慰民心。其何辭。余歎曰。上下之不相孚久矣。今日秩滿。明日如路人。皆是也。公有志於民。而與民興利。自爲小官。宰百里。嘗致其思。獨於此邦。見於利澤者。尤章章然。公既思所以爲民。而民亦去思之爲無窮。近世以來。此風不多見。余敢紬繹其辭。以致民之思。乃綴之以詩曰。水行地中。物蒙其利。至於稼穡。藉以豐美。廣郡之首。莫如古雄。良田萬頃。年嘗屢豐。究其所因。是資灌溉。陂堰之澤。切實爲大。曰連曰凌。以姓得名。歲久不治。利馬孰興。史君黃公。視民猶子。下車致思。飢溺由已。乃命僚屬。是經是營。挹彼注茲。披舊取新。激水在山。飛泉沃野。滔滔其流。晝夜不舍。昔也高仰。不稔不鋤。今焉潤澤。萬膏爲腴。昔也荒穢。茅茨所附。今焉浹洽。宜泰宜稔。千里之內。頌聲致和。含哺以樂。鼓腹以歌。自今有歲。崇墉比栢。公心在民。何以報德。我欲新陂。易名曰黃。詔之邦人。百世不忘。迪功郎詔州翁源縣尉兼主簿寅亮撰。龍巖石鏡潭事迹圖經志。紹定壬辰夏秋間。天常賜不雨者五十餘日。南雄守三山黃公寔。以真切爲民之心。禱祈靡

所不至。又之有謂龍鬚石鑊二潭之龍神可致以求雨者。公亟從其請。迎龍甫至。即陰雲布護。甘雨霽霽。如是。越三晝夜未已。前此潭之名不甚顯。於是扣之鄉民。有能言其跡之始末者。蓋保昌上梨園。上錫村。舊有龍興寺。二僧有名昌。名典者。勤苦修行。其中嘗遣行者採樵于山。獲一卵巖之頗久。異蛇出焉。拳之極馴。後忽失所在。一日晚。二僧登寺門之閣。望見嵐源。逕水中。電光閃爍。風濤洶湧。心疑其有異。翌日遣行者即視之。所失之蛇。出沒水中。似有戀戀相向意。行者歸以告。後乃偕往視之。蛇已露頭角矣。方掉鬚鼓鬣。作風浪威猛之勢。三人往視。久之不去。先後俱為浪漂入水中。水乃今之潭也。故自此鄉民有從而禱雨者。往時小竹上錫村。纔遇天旱。即伐木寘之潭。有頃。雷雨交至。木漂出乃已。俗傳禱龍不先通其誠於二僧者。不可。意龍亦不忘所本者。龍鬚石鑊二潭。往往皆龍所居。禱祈者不敢於此。真輕重取舍。龍鬚潭者。或云石上產龍鬚草。以此得名。其說初無考。龍興寺基。距此潭隔一小澗。數嶺間之。目視可相。及其中來往僅三十餘里。其水發源於信豐縣之五嶺村。潭上石壁。高可五十餘丈。中有穴。水注入其中。不見所出。可以知穴之深。此其相傳以為龍窟者。石鑊旁距龍鬚隔兩高嶺。一深壑。其往來路逕至為崎嶇。此潭之水源亦發於信

豐之左後村。自高項瀉下為三潭。其第一潭。最在高絕之處。則石鑊也。上

豐之左拔村。自高傾瀉下爲三潭。其第一潭。最在高絕之處。則石鑊也。上窄而下乃闊。形如鑊。然故名石鑊。鄉民甚神此潭矣。惟苦於不可攀援而上。其第二潭者。取路差便而易。故禱祈多即於此。其實似非真石鑊也。今歲之旱。有禱於龍鬚石鑊者。皆立致雨。如上梨園邕溪村。上下蒲村。以至揚律園西嶺下。以及蜜坑下分等處。俱有應驗。俗傳禱二潭者。多獲異物。以顯其靈。其說似誕幻不經。然神龍變化不測。能大能微。能顯能晦。夫安可執有定之理。遽謂天地間。萬萬決無是事也。然鄉民禱於此潭久矣。始者州縣欲物色之。幾莫得其處。或云父老世有盟誓。戒以勿言。則知深山窮谷間。如此潭之靈異者。固多。鄉人逆疑官司之搜秘。而不以聞者。固有之矣。今神龍惠澤於此邦。功效甚著。他日州縣小遇旱乾。必有不免於此乎禱之。惟有志乎民者。察於斯人。所以不言之本情。無使吾父老之所私憂過計者。時乎或驗。則爲龍者。其亦有以自安矣。是年八月朔。從仕郎前南雄州司法參軍程琳謹記。儒學記。郡志。雄舊有學。有郡郭間地。臨通衢。負巾山面滄江。前方廣而平。後豐隆而阜。信得所矣。惜其地有餘。而宮室未備。殿不足以稱素王之居。庭不足以肅衣冠之會。自宋慶曆迄今。幾三百年。世嗣而葺之。豈無其人。然未有能闢而廣之者。遵元右文治崇教。

本褒禮之制。脉昔有加。秦定丁卯冬。監郡教化的中議公來守是邦。謁學之初。周旋四顧。風蕩雨廩。蟲柱鼠壁。既而嘆曰。主領敦勸吾職也。坐視地隆。是弗克任也。乃經乃營。迺視委積。理宿逋。數田畝。號令一出。侵疆自首。匿租自增。厥用沛然。明年庀工度材。先其亟壞者爲二堂。翼以頰室曰明倫。所以正講席。以明達道之本也。曰振文。所以奉四先生。而廣道學之源也。覆理張文獻公祠。所以景先哲也。治博士館。所以宅師也。至若門墻必新。齋廡必益。祭器樂器。庖廩用物。弊者更之。闕者創之。所以興百廢也。又明年禮殿成。制度高廣。加於舊庭。堦橫廊倍於前。綵繪丹堊。以安神棲。砥石平治。以容展禮。新書樓。以貯典籍。碑項畝。以壽土田。其爲學校計遠矣。是舉也。不佚民而工力足。不假助而財用敷。非胷中素有規畫者能之乎。落成。博士諸生舉酒爲慶。且曰。一日不可無者。綱常也。萬世不可廢者。學校也。昔鄭子產不毀鄉校。夫子稱其仁。况增修乎。魯僖修類詩。頌其能。文守興學。史稱其善。今公之德。諸生至矣。惜乎未能頌之歌詩。播之史氏。吾屬之欠事也。中議公顧謂諸生曰。凡吾所以廣學宮。以免教養者。豈直爲釣名譽。市恩惠而設。意實有望於若等。且宮故宮也。地故地也。不脩則已。今焉而早者崇。墜者廣。輪焉奐焉。美粹乎其中。歸焉。廩焉。昭著乎其外。始



足以稱地之美。得非人力之所致耶。士之蒞脩於此。游息於此。贊美者故不少。誠能因其固有而擴充之。升堂而廣大高明。入室而精微蘊粵。則地又因人而重。是今日新學意也。士其勉之。又將為異日慶。士聞而感激。退而細繹其言。書諸紳。不若刊諸石。中議公世為阿魯溫氏。閩帥中奉公之子。嘗為姑蘇別駕。政率可紀。其聲迹見於碑。為吾郡所蘇。為尤信。其德政大者。雄氏碑于石。茲不悉數。至順二年三月朔。凌江後學李居謙記。武安王廟記。郡志武安王。蜀名將也。雄才大畧。號萬人敵。方其事先主。忘身驅犯矢石。出入行陣。不避艱險。知有其國。而不知有其身。可謂忠於主矣。嗚呼。人情莫重於知感恩。亦莫重於結好。當是時。曹瞞待以兄弟。而公卒不貳其心。孫權求以婚媾。而公輒拂其所請。觀其見義必為。臨利不苟。大有異於常人者。良由英武出於天資。忠義根於本性故也。諸葛武侯以逸群絕倫稱之。豈虛譽哉。宜其生封侯。而死廟食也。然徐致史傳張飛亞於公也。當時三換侯爵。而公獨拜將軍者。至再何耶。是豈先主之少恩歟。蓋天欲存未盡之福。俾公顯於後世耳。歿數百年。英風毅氣。常若一日。祀典徧於人間。王號垂於百世。果何脩而至此哉。雄舊無廟。附祠于嶽宮。至大間。郡守潮陽陳侯祐始議立廟于廓東。歲月既久。宮室寢壞。後至元丙子。李

夏郡守洛陽楊侯益來牧是邦署事之三日躬謁廟庭謂左右曰是非所以安神之靈也。迺勸率僚屬捐俸以助之。市木陶瓦徹而新之。由是宮庭改觀。神像增飾。丹青金碧。晃耀日月。其所以隆觀瞻崇祀典。寔揚侯之力也。落成屬予爲記。予謂侯之事神治人。一於誠而已。故能使神人以和。政令必飾。念一舉而神祐之。令一出而民從之。向非神含英靈有以乎感者。能若是乎。傳有之曰。至誠感神。又曰。敬事而信。揚侯其有得於是矣。是歲十月既望。前貢士蕭原佐記。五侯廟碑。郡志禮部狀准都省批下。廣東運使奏証會本司。紹定五年七月初七日。准省劄。據朝奉大夫權知南雄州軍州兼管內勸農事。借紫黃裳狀申。証得本州有廟曰五神。考之圖誌。一神曰周。二神曰劉。三神曰張。四神曰鍾。獨缺其名。并洪州人。少有大志。相與爲友。且謂生不能澤民。死當廟食。以捍災一方。往來雄州之境。有緩急叩者。無不盡力。未幾相繼以沒。郡人遂立廟于州之北。凡水旱盜賊率禱。昔嘉定。郡境李原。勵竊發。州人大恐。郡守趙善俊。垂禱祠下。蒙提陰兵。若驅若護。靈迹顯著。強首震駭。莫敢承突。紹定改元。南安軍之許羅劉等。寇復猖獗。郡牒通判趙汝誠。捕獲方領兵出五里山。而鹿角砦已破。直抵城外。官民相視。計無從出。默禱于神。以馬電掃。爐煙未竟。即聞空中有

霹靂聲。咸互驚疑。咸夜替竄。既而戰羅田。戰溪塘。古祿。毋戰。歐克。直判道。

霹靂聲。賊互驚疑。咸夜潛竄。既而戰羅田。戰溪塘。古祿。每戰輒克。通判趙汝誠以宜山起戍。僅能一新廟宇。而紀其事於石。知郡黃大夫領事之始。闕集衆將犯。郡境亟詣祠致禱。而張業龍領衆尋即遁去。一郡兩邑之民。迄免剽掠。焚蕩之患。皆神之力。即五神之庇一方之功如此。卓卓而廟額未崇。欲望特賜敷奏。錫之額。不惟侈朝廷報功之典。實千里士民均拜莫大之恩。伏俟指揮申聞。事在割付。本司從實保明。申尚書省。准此。本司於紹定五年七月十七日。牒韶州委官一員。從條就本司委官一員。躬親前去南雄州。周張劉鍾。鍾廟。喚集地頭廟鄰宿老等人。從公究實覈實。取見本廟有無靈跡。惠利其人。具詣實保明文狀。繳申。以憑施行。至紹定五年九月十二日。據韶州所委官從仕郎。英德府真陽縣主簿朱穎之狀申。各遵稟躬親前去南雄州五神廟地頭。喚集廟鄰宿老。從公究實覈實。對衆責據廟鄰宿老吳君顯。譚伯通等。供稱祖居廟側。凡爲水旱盜賊。鄉人祈禱。每蒙密答。庇休如隣。賊李原勵竊發。州人于廟祈告。趙知郡親詣本廟。告乞陰兵。以鎮州境。其賊驚疑。不敢侵入。又於紹定元年。南安許羅劉等賊徒猖獗侵犯。本州委趙通判督捕。官軍方出五里山。已被賊破鹿角砦。

其趙道判急詣廟告于五神。後賊見江山威勢形影之聲。互疑驚駭。繼即潛遁。又今年正月。南安張業龍統衆將犯州境。黃知郡詣廟祈禱。其賊自然驚駭。竟即復退。不犯州境。一郡兩邑人民。免遭焚劫。萬口一詞。皆知五神顯跡。無其餘靈感。難以盡述。若顯等所供諸實。保明並是詣實。申乞施行。本司所提主簿朱穎之狀。申覆實到南雄州廟鄰父宿。與君顯等列名結罪。供具本州周劉張鍾鍾五神廟靈感事跡。比與前究實官。權曲江主簿趙崇鑒。究實到靈應事跡。並皆一同。別無互異。今聞具南雄州。周張劉鍾鍾五神廟。靈應顯跡。因依在前。本司供明。並是詣實。狀候勅旨。後批送太常寺。擬定申尚書省。太常寺申。今檢准建炎三年正月六日。已降指揮。節文神詞。遇應有顯應。即光賜額。并淳熙十四年六月十九日。已降指揮。節文神詞。祈禱應驗。今詣路運司。依條保奏。取旨加封。本寺證得本路轉運司。依條差官究實覆實保奏了當。應得加封條法。今堪當乞從。建炎三年正月六日。并淳熙十四年六月十九日。已降指揮。擬賜廟額。今欲擬乎應廟為額。合行降勅。伏乞朝廷取旨賜額施行。伏候指揮。後批送禮部。勘當申尚書省。証得廣東道運司。奏南雄州五神。乞賜廟額。本路運司。依條差官。詢究覈實靈驗。應得加封條法。今擬太常寺。擬定乎應為額。合行降勅。

本部今勘當。若從太常寺已擬定廟額降旨。別無違碍。伏乞朝廷指揮施行。伏候指揮。五月二十九日。奉禮部勘當事理施行。二節婦傳圖經志。紹興五年。英州觀音山盜起。擄掠所過。鄉村空其人。至曲江村。有書生吳琪者。用竄免。其妻譚氏不能俱。與隣婦人數輩。為賊得。譚在衆有姿色。群盜爭主之。或臨以刃。欲強辱之。譚怒罵曰。若賊也。今所行甚橫。無道。官軍瞬息至。血肉餒狗猪矣。我良家女。豈若偶。賊意自失。然甚愛異。尚可回誘。鞘其刃。啖以雋語。譚輒痛罵。奮袂拔其腕。賊袖股馬。度無可柰。何殺之。後官兵至。盜所向。擣執者皆得還。曰。使吳書生妻不罵賊。一辱之。忍。今歸弗死矣。為吳生言其取死時狀。然同時有南雄李科妻謝氏。保昌故村人。陷於度盜。留盜中數日。有欲與之牀第。謀謝吐其面曰。寧殺我。我不汝徇也。盜怒。刺之而去。後十有七年。予來嶺南。有僧希賜。秀才黃文。蒼雅。為予說如此。予歎息久之。洪子曰。自周南之詩熄。姆傅師保職廢。為女婦者。膏不識形管之為何物。曠二三百年。得一人。史氏必謹志之。曰烈女。今夫譚謝二氏。出於越絕下邑。莞人蓬藿之家耳。不熟衿襦。悅擊之戒。無珩璜。瑀瑤之節。習貫見聞。又非有剛範以自厲也。一旦橫逆不從。無所顧惜。視其死與牖下。不異視書史。劉更生所記。摩肩無少慙。可不為難得乎。此予所以

興嘆也。人之生東西南北不常味人善於齒牙間者不一能然也。使予無南來希賜黃文暮不我告則譚謝之事。今雖在人間極不過十數年歇矣。用是以占山林膏壤之士。修潔履蹈沒沒不得傳。同煙雲變滅者。可勝道哉。此予所以又嘆也。言之無文行之不遠。若揚烈婦高慙女。雖賢得李習之之文。是以名益彰。予識痺名隘文不足有所起。則夫二婦人雖幸而得書。與不傳等耳。此予所以又嘆也。作英州南雄二節婦傳。宋學士洪邁撰雜記。本州元準路志都大提點司取撥衣糧米壹千伍百石。迺年從本州變糶樁管。每石價錢壹貫二百文省。聽候支撥。自淳祐六年。因韶州和糶米糧。應爐丁食用。引惹民詞。韶州通判狀稟都大司。遂行下於合解衣糧米內支撥米壹千貳百肆拾石。專人到司同所差將校管押前去韶州通判檢踏兩廳交卸。通判廳撥米柒百貳拾石。檢踏廳撥米伍百貳拾石。餘米貳百陸拾石。撥付岑水場淋銅局。應副爐丁食用。

# 永樂大典卷之六百六十六

重錄總校官侍郎臣高拱

諭德臣瞿景淳

分校官檢討臣馬自強

書寫儒士臣呂鳴埜

圖照監生臣李莊春

臣蘇性愚

